



सानसेयारि **'बड'सा'** खीरालाह्याव  
स्मानज्यादि जिज्जो लोब्बा थानाय रायथाय, खन्थाय,  
सल', सल'बाथा आरु दावबायारि थावनि, पार्क  
बाइदिनि स्यायाव लिख्नाय लिखिबां दैथाय ठर/  
सानसेयारि **'बड'सा'** खीरालाह्या सेबखानानै  
फोसावगोब।  
बड'स्यायाव लिख्नायनि दुबा खालाम,  
**'बड'सा'** खी नोथो, जो बयबो आंगो खालाम।  
सानसेयारि **बड'सा' मावखुनि**  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Tuesday ★ 2 January, 2024 Kokrajhar, BTC, Assam ★ Vol.- 33, Issue No. 277 ★ R.N.I.Regd.No.40994/91, Assam Govt. Regd.No.IPRD.40/2006/3, ★ Rs./-

**मोनथाम आलादा-  
आलादा लामानि  
जाब्रबथायाव सा 3  
सुबुनि जिउ ख 'हा**

## दिघलीपुखुरिनिफ्राय नुनमाति एफसिआइसिम गुवाहाटीनि गोलावसिन फ्लाइअभारनि अन्थाइ खाम्फा गायसन्दों

5053.20 मिटर गोलावथिनि फ्लाइअभारखौ लुनायाव 852.68 कौटि रं बाहायजागोन

**फ्लाइअभार लुफुंजायोब्ला फैगौ 25 बोसोरसिम हान्था-मेलानि राहायाव मोजां खाबु गोनां जागोन: गिबि मन्थि**

गुवाहाटी, 1 जानुवारी: थानाय 2023 माइथायनि 31 डिसेम्बर अक्टखौ जाब्रबथाय सोमजिनायनिफ्राय उदां खालामनो थांखि लादोंमोन। गोदान बोसोरनि रंजाथाया रावनिबो थाखाय जाहाथे दुखु गोनां जाया, बेनि थाखाय सरकार-हान्था मेला बिफान, पुलिस खुंथाया गोखों राहा आजावना लादोंमोन। जायगा-जायगा पुलिस-हान्था-मेला बिफानआ गोखों सिप्रोमनाय हाबाफारि लादोंमोन। नाथाय पुलिस-हान्था मेला बिफाननि सिप्रोमनायनि गेजेरावनो गवालपार जिल्लायाव मोनथाम दुखुनांथाव आलादा-आलादाये लामा जाब्रबथाय सोमजिदों। फु'बिलि समाव रंजुलि सारापारनि 17 नं. माहारियारि (□ 5 बिलाइआव)

दिसपुर, 1 जानुवारी: इराजी गोदान बोसोरनि सानावनो दिने गुवाहाटी नोगोरमनि जौगाखानायनि बिथिडव आरोबाव मोनसे गोदान बिजों फोनांजाबनायजों आसामनि गिबि मन्थि ड० हिमन्त बिश्व शर्माआ दिने दिघलीपुखुरिनिफ्राय नुनमाति एफ-सि-आइ सिम 4 लेन गोनां 5053.20 मिटर गोलावथिनि फ्लाइअभार लुनायनि थाखाय अन्थाइ खाम्फा गायसनों। 5.70 मिटर मिनिमाम गोजौथिनि बे बिथांखिनि गासै बाजेट बाहायजागोन 852.68 कौटि रं। मख'नो गोनांदि, बे फ्लाइअभारजों जिएन्बि लामा, सोनाब दिघलीपुखुरि लामा आरु राजगड लामा फारसे फोनांजाबनाय जागोन। बेखौ लोब्बा लानानै खुंनाय हाबाफारियाव गावनि बिबुंधियाव गिबि मन्थिआ नोगोरमनि थागिरिफोरखौ गोदान बोसोरनि गोसो गोबोंनिफ्राय हामब्लायथि बाउहसुनने 2024 माइथाया बयनिबो जिउथाव गोजोन खौसेथि, जौगाथाय लाबोगोन होना मिजिथिदों। गिबि



मन्थिआ बुंदोंदि, आथिखालाव राइज्यो सरकारआ मोनसे गोदान थाखोसिम थानो लादों। दरसे जौगाखानाय राइज्योनि सावगारिखौ जाफुंहोनो हानाय बायदिथै आसामआ गोदान थांखि आखाइयाव लानायनि बाश्राखौ मख'नानै बिथाडा बुंदोंदि, आसामआ आथिखालाव मोनसे गोदान फेसालिसिम थानो लादों। गिबि मन्थिआ फ्लाइअभारनि हान्था-मेला राहाखौ मोजां खालामनायनि बिथिडव थानो गोनां गुबुन गुबुन राहाफोरनि सोमोन्दैबो मख'दों। मालिगाव आरु जु रडनि फ्लाइअभार लुनाया जाफुंसारनायनि उनाव बे फ्लाइअभारखौ लुनायनि थाखाय थांखि लानाय जादों आरु बे खामानिनि लुनाया आबु जायोब्ला फैगौ 25 बोसोरसिम नुनमतिनिफ्राय दिघलीपुखुरिसिम हान्था-मेला राहाखौ मोजां खालामना लाखिमोन होनानै बिथाडा बुडो। आथिखालाव बे (□ 5 बिलाइआव)

**गुवाहाटी नोगोरमनि थाखाय गं 200 एसि गोनां  
मोब्लिबयारि बास सिबिथायखौ बेखेवबाय  
गाहाइ मन्थि नरेन्द्र मदिआ आबहावा सोनायनायखौ  
होबथानायाव हादतखौल' नड मुलुगखौनो दैदेन्दों: ड० शर्मा**

दिसपुर, 1 जानुवारी: पेट्रल-डिजेन बायदि थावनि बाहायथायखौ बाडाइ खालामलानायनि थांखिखौ सिगाडव लानानै गिबि मन्थि ड० हिमन्त बिश्व शर्माआ दिने गुवाहाटीनि रुपनोगोरव थानाय आसाम राइज्योयाकि हान्थामेला निगमनि लांगोनायाव खुंनाय मोनसे हाबाफारियाव राइज्योनि राइज्योयारि हान्थामेला राहायाव गोदान सोदनायजों गुवाहाटी नोगोरमनि थाखाय गं 200 एसि गोनां मोब्लिबयारि बास सिबिथायखौ बेखेवबानै होयो। मख'नो गोनांदि, जिपिएस ट्रेकिंग आरु दावबायारिफोरनि रेखाथिनि थाखाय सिसि केमेरा गोनां आरु बेगुपोरनि थाखाय जर'खा खाबु गोनां बे गं 200 एसि गोनां मोब्लिबयारि बास बायनाय आरु चांजि लुफुंथायनि थाखाय (□ 5 बिलाइआव)



**तामुलपुर गोजौसिन गेजेरारि फरायसालिनि बारग'  
फरायसा जथुम्मानि गाहाइ खुन्थिया गायसन्दों**

तामुलपुर, 1 जानुवारी: तामुलपुर जिल्ला सदरआव थानाय गंसे गोजौ सालिनि सोलोथाइ फसंधान तामुलपुर गोजौसिन गेजेरारि फरायसालिनि बारग' फरायसा जथुम्मानि गाहाइ खुन्थियाखौ दिने गायसन्नायजों लोगोसे फरायसालिनि बारग' फरायसाफोरनि रंखान्थियानि मदतजों लुनो गोनां थाम खोलोबनि गंसे भवननि अन्थाइ खाम्फाखौ गायसन्नाय जायो। दिने फुनि 10 सिगायाव बारग' (□ 5 बिलाइआव)



**राहुल गान्धीनि भारत जोडो जात्रानि  
उनाव बे खेबाव मनिपुरनिफ्राय  
मुम्बाइसिम भारत न्याय जात्रा हाबाफारि**

गोदान दिल्ली, 1 जानुवारी: राहुल गान्धीनि भारत जोडो जात्रानि उनाव बे खेबाव मनिपुरनिफ्राय मुम्बाइसिम भारत न्याय जात्रा हाबाफारि खुंनो थि खालामदों। 14 जानुवारीआव मनिपुरनि राजथावनि इम्फलनिफ्राय जागायजेनो गोनां राहुल गान्धीनि भारत न्याय जात्राआ 20 माचआव मुम्बाइआव थुंगेहैगोन। सान्जानिफ्राय सोनाबसिम राहुल गान्धीनि बे जात्राया दर 14 राइज्योनि दर 85 जिल्लायाव गासै 6200 किल'मिटर लामाजों हान्थिगोन। बे खेबाव थाबायनायजों लोगोसे बासजोंबो (□ 5 बिलाइआव)



**राइज्यो बेंगिरिआ गावनि नख 'रनि सोद्रोमाफोरजों साननैनि  
हाबाफारिजों मानास माहारियारि हाग्रामायाव दावबायफैदों**

सालबारि, 1 जानुवारी: आसामनि राइज्यो बेंगिरि गुलाब चान्द कतारियाआ गावनि नख 'रजों लोगोसे साननैनि हाबाफारिजों मैया रबिबारखालि मुलुगदांखा जारिमिनारि मानास माहारियारि हाग्रामायाव दावबायफैयो। रबिबारखालि राइज्यो बेंगिरिआ मानास हाग्रामानि गाहाय हाबग्रा (□ 5 बिलाइआव)



**गसाइगाव पुलिसआ अन्सायजानाय  
खामानि मावना दिन्थिदों  
गोमानाय 7.5 लाख रंखौ बोखानानै  
बिगोमानो गथायफिन्दों**

गसाइगाव, 1 जानुवारी: खाकी गाबनि जि गानग्रा पुलिसआ मोनसे अन्सायजानाय खामानि मावना दिन्थिदों। खाकी जि गानग्रा बि पुलिसआ लेडाइ नायसनगिरि कपिल उद्दिन आहमेद होनानै सिनायथिनाय जादों। गसाइगाव सदर पुलिस थानानि टिपसआइ कपिल उद्दिन आहमेदआ दिने इराजी गोदान बोसोरनि गिबि सानावनो मोनसे जर'खा खामानि मावना दिन्थिदों। गुबैथै खाकी जि-जोम गानग्रा होनब्लानो राइजो-राजाफोरनि गोसोयाव थानाय गात्रि सान्नाय-हनायनि अनगाथै गोबां सैथो आरु थि बिबान मावनायजों पुलिसआ समाजयाव दिन्थिबोय गेदेमा बिदिन्थि बायदिथै दिने गसाइगाव पुलिसआ गावनि थार सुबुंथिनि थाखाय आथिखालाव सावगयजानायनि आयदाफारि जादों। सासे फोरोंगिरिनि गोमानाय 7 लाख 50 रोजा रंखौ (□ 5 बिलाइआव)

**ड्राइभिं लाइसेन्सखौ लानानै गिबि  
मन्थि ड० हिमन्त बिश्व शर्माआ मोनसे  
थांखि लानायखौ फोसावदों**



गुवाहाटी, 1 जानुवारी: मोन्याय-मोनैनि थासारियावनो बोसोरसे समआ बारलांबाय। गोदान बोसोरनि गिबि सानावनो

आसामनि गिबि मन्थि ड० हिमन्त बिश्व शर्माआ माखासे गेदेर बिथांखिफोरखौ फोसावना होदों। गिबि मन्थि ड० शर्माआ

बिबान सामलायनायनि उनावनो गोदान-गोदान थांखिफोरखौ आजावबोदों। सरकारि खामानिजों सरसनस्त्रा सुबुंफोरा थोंजों फोनांजाब राहानि थाखाय गले-गले गोदान थांखि आजावबोदों। माखासे सिबिथाया फ्लाइअभारनो जाथों एबा मिसन बसुन्थयानो जाथों। डिजिटेल सिबिथायनि गेजेरजों सरसनस्त्रा सुबुंफोरनि खस्थखौ फोजोबनो थांखि आजावदों ड० हिमन्त बिश्व शर्मा दैदेन्नाय सरकारआ। गोदान बोसोरनि (□ 5 बिलाइआव)

**गोदान बोसोरनि गिबि सानाव जारिमिनारि पागलाबाबा  
थानसालियाव सिबियारिफोरनि होंगो-दोंगो**

कक्राझार, 1 जानुवारी: गोजाम बोसोरा बिदाय लाबाय जाबाय आरु दिने गोदान बोसोरा जागायजेनबाय। बोराय आरु लाइमोन सेंग्रा-सिख्लाफोरा गोदान बोसोरखौ सोरबाया पिक्निक जानानै बरायदों, सोरबा सासेआ मन्दिर-थानसालिफोरव थानानै गोजाम बोसोर मोजाडे-मोजां थानायनि थाखाय आर'ज गाबहैयो। सिबियारिफोरखौ दिने गोदान बोसोरनि रंजानाय आरु गाहामनि थाखाय आर'ज गाबनो गुबुन गुबुन थानसालिफोरव पागलाबाबा थानसालियाव दिने फुनिफ्रायनो सिबियारिफोरनि होंगो-दोंगो जानायखौ नुनो मोन्दों। कक्राझार सहरनि बिटिसि



सेक्रेटारियेटनि साखाथियाव थानाय जारिमिनारि पागलाबाबा थानसालियाव दिने फुनिफ्रायनो सिबियारिफोरनि होंगो-दोंगो जानायखौ नुनो

मोन्याय जादों। गोदान बोसोरनि गिबि सानाव मुंदांखा थुनलाइगिरि साहित्य एकादेमि बान्था मोनगिरि प्रतिमा नन्दि

नार्जारीआबो कक्राझार सहरनि पागलाबाबा मन्दिराव पागलाबाबा थानसालियाव आर'ज गाबनो थानायखौ नुनो मोन्दों। बिथाडा बुडेदि, गोदान बोसोराव नख'रनि साबुं आरु बाहागिफोरनि खुसि आरु गोजोननि थाखाय पागलाबाबा थानसालियाव फेदोंमोन। बिथाडा दासान्दि गांभ्रें बिजाबनि रावसोलायनाय खामानिखौ मावगासिनो दड' होना फोरमायनानै 2024 मायथाइयाव बिमा लक्ष्मी आरु स्वामी बिबेकानन्दनि सायाव फोरमायथि बिथांखि बिजाब लिखासिनो दड' होनानै खौरं बिजोंनि सिगाडव फोरमायो। □

## सुजुगिरिनि खोलोम

## थानानै थानायनि लामा

सुबु हारिया थानानै थानो थाखाय बाइदिसिना हाबा-हुखा मावनायाव नांथाबनानै थानो गोनां जायो। थानानै थानायनि बे लामा होसोनायाव खायफाया जाफुनो हादोब्ला, खाय-फाया फेलें जानानै आन्दायनाय लामाखौ हम्हैफिनो गुबुन लामा लानो गोनां जायो। बेनि जाउनाव आन्दायनांनय सुबुफोरा मोजां-गात्रि सायख'नानै लानायाव गोरोन्थि जालाडे। बे गोरोन्थिनि बबेयाबा सुफुख'हायै आरो फोसाब जायै बादि जानानै गावजौं लोगोसे गुबुन सुबुफोरनिबो खहा गोनां जानायखौ नुनो मोन्नाय जायो। आधिखालनि जिउ खुंनयनि बादायलायनाय बे बोथोरव सुबुफोरा खायफा मोजां मुवा-बेसाद फानानै थाना थानायनि लामा दिहुन्नानै गोजोन्नाय लायो। खायफाया फेग्रा मुवा-जिरात फानानै रं-रुफा धोन खामायनायनि लामा लानायबो नुनो मोन्नाय जायो। नाथाय थांखिया मोनसेयानो, थानानै थानायनि लामा लानांगो जानाय। माखासे समाव उन्दैनफ्राय लानानै गिदिरसिम फेग्रा मुवा बादि गिथावना बेसादफोरखौ बाहायनायखौ गोबाडैनो नुनो मोन्नाय जायोमोन। फेग्रा मुवा बाहाय दावनानै उन समाव गोबाडनो नागारनो हायै जानाय, जिउ गोमानाय बादि दुखुनांथाव जाथायफोर नुनो आरो खोनानो मोन्नाय जायोमोन। गुबुन होबथा जानाय फेग्रा मुवाफोरनि अनगा हाथाय-गलाफोरव मोन्नो हानाय फेग्रा मुवा हारिनि बेसात- डेनइडिट, जौ बायदिफोरखौ गोलेयै मोनफुनाय जायो आरो बे खाबुयैनो बेनि बाहायनायाबो मोनसे समाव बांनयखौ नुनो मोन्नाय जायोमोन। आधिखाल खुंथाया फेग्रा मुवा बेसात, बेखौ जागायनाय आरो बाहायग्रानि सायाव गोखौं रहा लानानै फेनायाव बेनि बाहायनाय, जगायनायफोरव सिरि जानायबो नोजोरव गोलेयो। अब्लाबो बेनि गुदि रोदाखौ बुखुनानै गारनो हायागोमानि सम सम लेरेश-थेद सोलिबाय थानायनि मिजिं थायो। इधुनाव बे रोखोम फेग्रा मुवा बाहायनाय, जगायनाय बादि जाथायफोरा जौनि गेजेराव नुजाथिनो हाया बेनि थाखाय समाजनि गासैबो थाखोनि सुबुफोरनि खौसेयै गसडेब्लासो फेग्रा मुवानि हेंथायै होबथानायाव जाफुंसारनाय फेगोन होन्नानै मिजिंथिनो हागौ।

दासान्दि गुबुनफोरजौं लोगोसे जौनि गेजेरावबो फुजा फोबौनि दोहौया नाफेहांबाय। दुफां बोथोरनि दुगां फोबौजौं लोगोसे गुबुन गुबुन फुजा फोबौनि मेला आरिनि समाव समाज बेरेखा हाबाफोरा समाजनि ख'हा लाबोनो हाथावना हाबा-हुखा, फेग्रा मुवा बेसादनि हाथावना हाबा-हुखा, फेग्रा मुवा-बेसातनि सुगं फालांगि खालामानानै लुथिनयनि खैसार सानाय बाइदिनि सायावबो नोजोर लाखिनांगोन, जाहाथे हारि आरो समाजनि खहा फेया लोगोसे गुबुले थासारि सोमजिनयनिबो लामा मोना। बावैसो सिगां जौनि हालामावनो रंजानाय- बाजानायनि मुडाव हरिसुयाव गैयै रंजानाय जाथाया राइज्योनाडेनो सोमावगुंनय थासारि ससियेल मिडियाफोरव नुनो मोन्नाय जादोमोन। बेफोर बादि जाथाया फिन जाफिना बेनि थाखाय गावजौं गावनो सांग्रां जालायनाया गाहाम □

## दिनैनि फान्जामुधि

## राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ)  
कर्कट : ड ह सिंह : म ट कन्या : प ट (ण ष)  
तुला : त र वृश्चिक : ब न धनु : ध भ (ढ फ)  
मकर : ख ज कुम्भ : ग श (स) मीन : द च (ख ज झ)

**मेघ:** हरखाबै माबाफोर मुवा-बेसाद मोन्नो हागौ। गोसोखौ गोजोन मोनगोन।  
**वृष:** माबाफोर गोरोन्थि हाबा मावफलांनानै ख'हा जानो हागौ। जेखि मावा सांग्राडे मावनांगोन।  
**मिथुन:** माखौबा लानानै रगा जौनाय सोमजिनो हागौ। गोसो ह्मथानानै थानाया गाहाम।  
**कर्कट:** जेखि जाया गोथार खामानि मावनानै लानो हागोन। दिनै सानआ शुभ सम।  
**सिंह:** माबाफोर बेरामआव गोलेबायनो हागौ। देहाफोरखौ सांग्राडे लाखिनांगोन।  
**कन्या:** सोरखौबा माबाफोर बुंसि-बुंसि मोन्नो हागौ। गोसोखौ शान्ति गैयै मोनगोन।  
**तुला:** देहायाव जोखोमफोर मोनबायबायनो हागौ। सांग्राडे था।  
**वृश्चिक:** जेखि जाया न'नि शुभ खामानि मावनानै लानो हागोन। गोजोन्नायखौ मोनगोन।  
**धनु:** मानिबा जाहोननि थाखाय गोसोखौ शान्ति गैयै मोनगोन। गोसोखौ ह्मथा।  
**मकर:** सोरजौंबाफोर गोसोआव दुखु मोन्नाय खोथा बुंजाबायनो हागौ। गोसोखौ ह्मथा।  
**कुम्भ:** मानिबा थाखाय जिंगा सिनांनो हागौ। गोसो ह्मथानानै सोलिनांगोन।  
**मीन:** नख'रआव गोजोन्नाय गैयै सोमजिनो हागौ। जोखि जाया गोसोखौ ह्मथा।

कावासाकिआ निन्जा जेट एक्स-6  
आरखौ भारतआव लन्व खालामबाय

गोदान दिल्ली, 1 जानुवारी: कावासाकिआ इन्डियाआव 2024 नि जागायनायाव गावनि गोदान निन्जा जेट एक्स-6 आरखौ लन्व खालामदों। जायखौ थानाय दानाव इन्डिया बाइक उडक 2023 आव हादरआव लन्व खालामदोंमोन। पियर रेंसि डिएनए गोनां बे सुपार स्पर्ट मटर साइकेलखौ हादरआव 11.09 लाख रंजौं जागायना एक्स सरुमनि बेसेनाव लन्व खालामदों। बेखौ मोनसे आपडेट डिजाइन होनाय जादों। जायखौ जापाननि साखा कबनै गारिखौ फानायाव गोखौं गुबुन निन्जा सुपार स्पर्ट मटर साइकेलफोर बायदि बानायनाय जादों। गोदान निन्जा जेट एक्स-6 आरआव माखासे स्टइलिं एलिमेन्स मोन्नो हायो। बेयाव कावासाकिन



सिग्नेसार स्प्लिट एलइडि हेड लेम्प दड, जाय बाइकखौ जोबोर आलादा नुहोयो। लोगोसेनो बेखौ स्टेन्डार्ड ब्लुटूट कानेक्टिजौं लोगोसे आबुं डिजिटेल टिएफटि स्क्रिन होनाय जादों।

पावार ट्रेनिनि बाश्रा बुडेब्ला मास्कुलार कावासाकि सुपर स्पर्ट मटर साइकेलआ 636 सिसि इन लाइन-4 इन्जिननिफ्राय इनाजि मोनबाय थायो। इन्जिनखौ क्वीक सिप्टारजौं लोगोसे 6 स्पिड गियार बक्सजौं लोगोसे सरजाबनाय जादों आरो बेयो 128 बिइसनि मेक्सिमाम पावार आरो 69 एनएमनि मेक्सिमाम टार्क सोमजिहोयो। बेयो भारतीय बाजाराव आरएस 660 बायदि कम्पटिकाखौ फेजोन्नो हागौ। □

## सुंद' सल'

## -अन्याय राजा

## हरै फावुना बिरबोनायाव

अबोला फागुन दाननि साना हाबनायनि इसाराखौ मुलगुनो ह्मथायमोन। बेलासिनि बारबो हाद्रि बिरफुलायजासे ओरैहाय सोनाब फारसे बिरलांदोंमोन। हाजोनि सेर. सेर दंफां-लाइफांजौं देलायनानै थानाय सौबारि गामिखौ बैसमाव फागुनि खावसे साननि गोजा आबिरा गोदान महरजौं गायदोंमोन। जानांगो लिरगिरियाबो गामिनि बिदि महरखौ नुनानै आन्दायफलां दोंमोन आरो गोमोहाबदोंमोन। बै समावनो अबोला सैबारि गामिनि सानै सिखोला सोमसि आरो मोनथिमोना देमा जिडव होनाय बोरमाफोरखौ होबोबाय दंमोन। अबोला फागुनि खावसे साननि गोजा आबिरा बिसोरखौ हायना सारफवनानै बरायहरदोंमोन। नाथाय फागुनि हरै बिरबोनाय जावलिना बारा बिसोरनि मोद्रोमनि फायलिफोरखौ रमान्सनि रादाव लाबोनानै बुखारनो नाजादोंमोन। एखनब्ला बारनि गोरा सिबनायाव बिसोरनि खानाय फेतरआ थुबस्रा गेवबुरदोंमोन। एखनब्ला सानैनिबो दखोना थावसिखौ आदैसे बुखांदोंमोन। नाथाय बिसोर गोरा ह्मथादोंमोन। मानोना बिसोरनि गोसोआ नंखाय फागुनि जावलिना बारजौं बुखारजानाय लंथं सुमलि

दंफानि नड। अबोला लिरगिरिआ गावखौनो बावगोमादोंमोन। बियो सानदोंमोनल' "हाबाब बबे जाहारनि दावराय बिरबोखो, समायना-रमाना बबेयाव बिरलांगोन फालाय"। गोगो गोसोजौल' गावबा-गाव माबा-माबि बाश्रा सावरायबोदोंमोन। बाश्राखौ सोमसिनयानो जागाय जेनदोंमोन। देलाय आनजाद होनायखौबो जोबोर गोब्राब मोनबाय हाय आं। फरायनायफ्रानो जाथारसिसै बाला। आंबोसो हाय बाला, जोबोर गिसोगारदों। पास जानायनि सिमांखौनो नुफेर बायाखै। दोन हाय फागिल, नंखायखौनो बुडो नों। मोनथिगौ हाय आं गासिखौबो, माबादि मानसि नों। फागिलसो हाय बियो, थारखौसो बुंनयनोलाय। नै फागिल, मोनसे खोथा बुंनोमोन हाय मा। नाथाय रावनोबो दा खोनथा हाय। नैबिना, हाब, आंलाय सोरनो खोनथा बायनो। हा बुंदो फागिल,मा खोथा। सयथि, रावनोबो खोनथाया? सयथि, सयथि स्नि सयथि। खोथाया जेबो गुबुन नड हाय मा। दाखालि सासे संग्राया रनाय आबनि हाबायाव आंजौं साखाथि साखाथि

फैबाय दंमोन हाय। सिथोर-बाथोरनो रागासो जौंखांदोंमोन आंहा। ए बेखौनो, मोजांमोनदों आरो मा, नोंखौ संग्राया। खोथाया एसेबां गोरलै नड हाय मा। आंनि मुंखौ मानि राजु आगेनाव सौना लांदोंनो। नै फागिल, सोर सासेयामोन। बै बानलु हायथा ब्लु जिन्स गाननाया हाय मा। ए, रनेन गुमैया। जौंहा बाजैनि फंबायसो बियो। अब्ला बाजैनो खोनथागोन हाय आं गाबोन। दोन फागिल अरजाया बेखौनो खोनथायो नों। नड हाय मा नायनायोनो दस्राथार बिना सिथोर बाथोरनो साखाथि-साखाथि फेनायल'। गय बिनायफ्राबो साननायफारि। गाजि मोनो हाय आं बिदि मानसिखौ। हनै, फागिल सानानोबा हाबलांथारबाय। गोखै होदो थु बोरमाफ्रा। गाबोन सावरायफिनसिमोन। ए, नडबो होनलाय। थु गोखै हो माबार। नाथाय खोथाया गोसोआव लाखि। खैफोर फेनो हागौ। बिदिनो बिसोर गोखै गावबा

गावनि न'फारसे बोरमाफोरखौ होबोदोंमोन। नाथाय सोमसिनया हराव गोजोनौ उन्दुलांनो हायाखिसै। दाखालिनि हाबानि जाथायानो गले गले सोमसिनि गोसोखौ एग्रांबायसै। बबे लामाजौं थंब्ला स्रां जागोन, बेखौबो साननायनि गोहोआनो गैलिया बिहा। खर', देहा- मोदोमफोरखौसो गुदुं मोनबाय बियो। दसे उनाव सानखांफिनदोंमोन बियो हाबानि बै गारबोनाय सावगारिफोरखौ। फागुन दाननि अबोला नैथि हाथायनि मंगलबार सानमोन। गामियाव बिनायनि फिसाजो रनायसिनि गोथार जुलिमोन। सोमसिमोनबादि सिख्ला-संग्राफोरनि थाखाय जोबोर गोगोम जाथारदोंमोन। बिदिनो सोमसिनयानो हिन्जाव गोदानजौं लोगोसे दोनलांनयाव बैराथि महरै लोगो लाफादोंमोन। नाथाय सोर संग्रायालाय सोमसिनि हायनायाव मानो गोदोफलांखो। सोर संग्रायि मेगनावलाय सोमसिनि सावगारिया मानो बासा लाखो। फागुन दाननि हरै जावलिना बारनि बिरबोनायाव नडथ'। सोमसिनि गय राननायखौ गले-गले गय बिनाय। आंखाम जानाय समाव गले, -गले आंखाम जासिनाय। मेगनजौं मेगन नायनानै आंथिगोनां

माबा इसारा फोरमाय हरनाय। रागासो जौंखांदोंमोन सोमसिनयादोरफो, दोरफोनो। माबा माबि बुंहरना राइनोसो गोसो जादोंमोन। अब्लाबो फागुनि थार', थार' बारनाय गुसु बारा रमान्सनि रादाव लाबोनानै सोमसिखौबो नारिसिनफेदोंमोन। नाथाय बियो गोसोखौ गोरा ह्मथादोंमोन। बिदिनो बियो लोगोफोरनि गेजेराव जनानै जि-खाखुबै समफोरखौ बारहोदोंमोन आरो हिन्जाव गोदानखौ हौवा गोदाननि नआव गथायनानै न' फारसे आगान सुरबोदोंमोन गोसोआव गिनाय, लाजिनाय आरो रागाजौं। अबोला समा हरनि 'से' बाजिनो जिबा मिनिट लसैमोन। बायजोआव सोरगिदि एमफौ-एनलानि देखो आरो फागुन दाननि सिब्राबनाय गुसु बारनि सोदोबल'सो रिखांबायदोंमोन। बारनि गोरा बोहैनायाव हुक मारियै दरजाया ब्लां गेवब्लासो सोमसिनया बागदावखांदोंमोन। बै समाव बियो जोबोरैनो गिखांदोंमोन। लासैयैनो दरजाखौ मारिना माबा माबि सानैनो उन्दुलांदोंमोन। बियो सानदोंमोन "बेयो जेबो नड, फागुनि हरै बिरबोनाय जावलिना बारनि लाइमोन गोसोखौ बुरखायनाय बुक्सिओ □

## सम, सुबुं आरो धोरोम

## शैलेन्द बहम

गोसोम समा अराइथि आरो गोलाव। बिनि गुदि जोबथाखौ रावबो मिथिहाया। समहा आंगो महर जेबो गैयाब्लाबो मुलुग मिथिगानि महर सावगारिजौं महरथिना जानानै बोहिगासिनो अराइनि फारसै। लाथिख' मुलुगनि ग्रह नक्षत्र, बार मुलुगनि जीब जुनार दै मुलुगनि ना नु गासिबो बेफोरनो समनि बद मोनसखां-हायै बाइदिसिना महरनि सावगारि। समनि बिखानि सावगारिया अराइ सोलाय सोल'। उतखारि गोथां आखुनि हेफाजाब मोन्नानै दद्र आखुनि गोथै मिथिगाया मोबायसेनि गेजेरावनो मा मा महर लानो हागौ बेखौ रावबो गतयै बुंघ' हाया। गुबुन मुलुगनिखुइ बार मुलुगाव थाग्रा जीव जुनारा नुनानाय सैथानसिन, आरो बेफोरनि गेजेरावबो मानसिया सैथानसिन। गावसिनि सैथिनि आखुजौं दैयाव बाराव लाथिख'आव बिसोरखौ लामा गाथेनो हानाय गोब्रबा। दैयाव दैनि गोहो, बाराव बारनि मन्त्रजौं बिसोरो मोन्थाम मुलुगखौ सोरखिजोबनो हागौ। मानसिनि उतखारि आदबा दोनैनि मोजांजौं लोगोसे दैयाव हायाव अखाडव खर' सुबाव सोदोब सोमजिहोदों। बिनि बारगा थांवावब्लानो दैयाव दैनि दोहौ, बाराव बारहुंखा, लाथिख'आव अरनि बाना सागलोबनानै हलाय जाजोबनोबो हागौ। बे समाव मुलुगनि महिमाखौ नुफिनो थाखाय मेगन गोनां जीव थानाय नड। बेफोरनि दायनिगिरिया सोर, मानसिया ना मिथिगाया। मिथिगानि आखुवा अराइ खावनै। फारसैथि दद्र आरो फारसैथि थिडरिया। मेला दद्रयैनो थागोन बे समाव लुबैनाय मानि मोनथावै वेनाव जेबो थाया, आरो मेला थिडरिया जाखंगोन हलाय खालामनो हायै बिनि थाखाय मुलुगाव जेबो गैया। मानसिया जुनात सारिनिफ्राय मानसि महरै जायगा मोन्दों मिथिगानि अन्नायाव। जि समनिफ्राय मिथिगाखौ सिनाइनो सोलोदों बे समनिफ्रायनो मानसिनि गोसोया गुसेबनिफ्राय गुवार जानानै मोनसैखौब्लाबो मोनसदों मिथियैखौब्लाबो मिथिदों। बिजिरनाइनि आदबजौं मिथिगानि सायाव मिथिगानिबो जाहोन

माबा मोनसे दंबावो बेखौबो बद मोनसखां हादों। जायखौ जिउ जिउमा होन्नानै फोथायनो नाजादों। जेखियानो जाथौं गोदोंनि दिनानो मानसिया बिजिरनाइ आदबनि गेजेरजौं मिथिगाखौ सोरखिनो हादोंमोन, आरो बेफोर आदबखौ उन्नि सुबुनि सोरखिनो हादोंमोन, आरो बेफोर आदबखौ उन्नि सुबुनि थाखाय गुलाइ गुजाइ जायालासे दोनथुमानाइनि राहा महरै मोनसे थौंसोमजि होदोंमोन। जि थंखौनो जोडो दा भारत हादाराव सुत्र' होन्नानै बुडो। सुत्र महरै बेथिनि गेजेरजौं बिजिरफिनोब्लानो गोदोनि दिनाने जैरै आदबनि गेजेरजौं मिथिगाखौ सोरखिनो हादोंमोन दाबो बिदिनो सोरखिनो हायो। गात्रि मोजां आखु गोनां मानसि हाथिफाब्ला सुखु दुखु मोनफानो गोनां जायो आरो मोजांल' आखु गोनां मानसि हाथिफाब्ला अराइ मोजांनो थाडे। बिदिनो मिथिगानि सायावल' गोसोखौ जाय फिनगलोबनानै दोनो बेहा सुखु दुखुया अराइ दं। नाथाय मिथिगानि सानि अबंलाउरीया मिथिगानि धोरोमाव नांफादरैलाय बिथानि खाथियाव दुखुबो गैया सुखुबो गैया सुखुबो गैया अराइ गोजोन आरो गोथार बेखौ मोनसाया। मिथिगानि धोरोमनिफ्राय सोरखिनानै अबंलाउरीनिसिम थनि गेजेरजौं सोरखिनो थाखाय गोदोनिफ्राइनो टाइग्रिच इडगट्रिच जर्डन सिन्धु दैमा सेर सेरनि सुबुंफोरखौ हास्थयनाइखौ जारिमिनि नोजोरजौं नुहरनाइ जायो। बेनोदि अबंलाउरीया जैरै गुन महर जेनिबो जानगार गोदोनि दोनबोनाय थंहाबो महर गार जेबो गैया। बिनि जाहोनाव मिथिगानि हेफाजाबाव गावबा गाव गोमोन लानाय नेसौन (प्रतीक) फोरनि गेजेरजौं थं महरै बुंफोतमुखौ बद मोनसखां हायो। बेनो दा जौनि बादि थायखौ लानानै गुबुन गुबुन सुबुनि गुबुन गुबुन हारिमु। हारिमुनि थांखिया बयखौबो अबंलाउरीनिसिम दैथायहैनाय। बादिथायखौ लानानै हारिमु थड जाबाय। □

नावकाटा जोहोलाउपुरि  
पार्कआव सुबुनि बाना

नावकाटा, 1 जानुवारी: बड'लेण्ड सोमावसारनायनि मुंक्लंफोरखौ सिबिनो मोन्नाया जौनि थाखाय जोबोद मान होजावथाव। बे जोहोलाउपुरि पार्कआ नावकाटा ओन्सोलनि सुबुंफोरनो थाना थानायनि लामा होदों। जोहोलाउपुरि पार्कआ मोनसे गोजोन थिलि। बेयाव गोजोन मोन्नायनि थाखायनो गोबां राइजो-राजाफोरा लोब-लोबै नायनो फेयो। आधिखालनि आसाम आयेन आफादनि बुंथिगिरि बिस्बजित दैमारिनि नाजानायावनो बे जोहोलाउपुरि पार्कआ बानाय जादोंमोन। आधिखालाव सुक्लाइ सेरफां बियाबनि एमसिएलए थामहिनबा बिटिआरनि इ एम रनेन्द्र नार्जोरिआ गोबां नाजानानै समाइनासिन खालामनाया बयजौंबो अन्साय जादों। सानैसो सिमानिफ्रायनो रोजा-रोजा दावबायारिफोरा बेययनो फैनानै गोजोन लाफेनायखौ नुनो मोन्नाय जादों। दिनै बिटिआरनि इ एम रनेन्द्र नार्जोरिआ पार्कआव नायदिना खौरागिरिफोरनि सिगाडव बुडोदि, बे पार्कखौ समाइना खालामनो थाखाय आंहा जिउआव मोनसे गिदिर सिमां दडोमोन। दिनै बियो जाफुंबाय। मुंक्लंफोरखौ मान होनायनि जाय रहा दडोमोन दिनै बियो जाफुंबाय आरो जेबोद गोजोन्नाय मोनबाय होन्ना फोरमायो। लोगोसेनो दानि बिटिआरनि गाहाय खुंगिरि प्रमद बर'निमिमबो साबायखर बाउहरो। मख'नो गोनांदि, बे पार्कआव सानैसो सिमानिफ्रायनो रोजा-रोजा राइजो-राजाफोरा नायनो फेदों। दिनै 2024 माइथायनि गोदान बोसोर 1 जानुवारी खालारावबो रोजा-रोजा सुबुंफोरा बिबारनि गेजेराव गोजोन लाफेनायखौ नुनो मोन्नाय जादों। □

## हादरगिरि मुर्मु, गाहाइ मन्थि मदिजों लोगोसे माहारियारि दैदेनगिरिफोरा गोदान बोसोरनि हामलायथि होदों



**गोदान दिल्ली, 11 जनवरी:** गोदान बोसोर 2024 आ हाबजेनबाय। बे खाबुखौ लानानै हादरनि हादरगिरि द्रौपदि मुर्मुआ बयनिसिमबो गोदान बोसोरनि गाहाम हामलायथि बावहरदों। सशेल मिडिया हेन्डेल एक्सआव बिथाडा लिरदों, गोदान बोसोरनि बयनिसिमबो गाहाम हामलायथि हरनाय थाबाय, गोदान बोसोर 2024 आ बयनिसिमबो थाखाय सुखु, गोजोन आरो जाफु'सारनाय लाबोथों। फैं जों बयबो समानथि आरो जौगानायाव बिहोमा होनायनि गोदान बिबान लानायजों लोगोसे गोदान बोसोरखौ बरायनि। बिथानि अनगायै गाहाइ मन्थि नरेन्द्र

मदिआबो इंगजी गोदान बोसोरनि हामलायथि बावदों। बिथाडा सशेल मिडिया हेन्डेल एक्सआव गोदान बोसोरनि बयनिसिमबो हामलायथि होनायै लिरदों, बयनिसिमबो 2024 नि गोर्बोनिफ्राय गाहाम हामलायथि, बे बोसोरा बयनिसिमबो थाखाय जाफु'सारनाय, गोजोन आरो गोग्गो देहा लानानै फैंथों। बेराफासैथिं कंग्रेसनि दैदेनगिरि राहुल गान्धीआबो आंगो बिमा आरो कंग्रेसनि बारा' माहारियारि आफादगिरि सनिया गान्धीजों लोगोसे गावनि मोनसे सावगारि सशेल मिडियाआव शोयार खालामदों। बेजों लोगोसेनो राहुलआ गोदान बोसोरनि हामलायथि होनायै लिरदोंदि,

गोदान बोसोरा बयनिसिमबो जिउआव रंजानाय आरो जाफु'सारनायनि लामा, भारतआव नियाइ आरो अनलायनायनि रादाब लानानै फैंथों। उत्तर प्रदेशनि गिबि मन्थि यगि आदित्य नाथआबो हादरनि बयनिसिमबो गोदान बोसोरनि हामलायथि होदों। सशेल मिडिया एक्सआव बिथाडा बयनिसिमबो गोदान बोसोर 2024 नि गाहाम हामलायथि होदों। बिथामोनि अनगायै इराजी गोदान बोसोरनि खाबुआव कंग्रेसनि माहारियारि आफादगिरि माल्लिकार्जुन खरगेआबो हादरनो हागाम हामलायथि होदों। बिथाडा

हामलायथिजों लोगोसे बुंदोंदि, गोदान बोसोरआ ओरैबायदि जानांगों, जाय फिन खनसेबाव निखावरि आरो जेंनाजों बेंजानाय सुबुंफोरसो मिजि आरो गोहो लाबोना होफिनो। बेजों लोगोसेनो बिथाडा बुंबावदों, जों साफ्रोमबो नोगोरारिनि मोन्थाइफोरनि थाखाय खौसे जानानै चुजिनांगोन आरो समाजआरि बिजिनयखौ रोखा खालामनांगोन। जौनि संबिजिर आरो सुबुंखांथिखौ रैखा खालामनाया जौनि गुबै बिबान। जय हिन्द। बेराफासैथिं गोदान बोसोरनि खाबुआव मिरुनि मन्थि पियुष गयलआबो एक्सआव गाहाम हामलायथि होनायै लिरदों, जों 2024 आव आगान होजेनबाय, फैं जों मोनसे जौगाखां भारत दानायनि थाखाय गावनि मावनांगौ बिबानखौ मावफु'नायनि मिजिखौ रोखा खालामनो। बे बोसोरा जौनो दरसे गोखों आरो बांसिन बावसोमनाय हादर महरै जौनि हान्जायारि नोजोरनि खाथियाव लोबोगोन। गोदान बोसोरा आसा गोनं आरो मोजां बिजाउन मोनो हानाय जाथों होनाबो बिथाडा बुंदों। □

## गोदान बोसोरनि फिकनिकआव थांनायाव सा 6 लाइमोनफोरनि जिउ ख 'हा



**जमसेडपुर, 11 जनवरी:** हादरनाइने जेरावबो इराजी गोदान बोसोरनि रंजाथाइ फालिनायजों गोमखांदों। फारसैथिं रंजानायजों लोगोसेनो खैफोदआव गोर्लैनायै सुख 'हायै दाहाबो जानांदों। बेबायदिनो गोदान बोसोरनि रंजाथाय फालिनो थांनाय लाइमोनफोर जामसेडपुरआव गिखंथाव जाब्रबथाइजों मोगा मोगि जानांदों। आदित्यपुरनि लाइमोनफोरनि कारआ बिस्तुपुर साकिट हाउस खाथियाव जाब्रबथाय जायो। जेराव सा 6

लाइमोनफोरनि जिउ गोमायो आरो गुबुन सानैआ गोब्राब जोखोम जायो। बिसोर गासैबो कारजों फिकनिक जानो थांदोंमोन। खौरनि बायदिबला जाब्रबथाया बिस्तुपुरनि साकिट हाउस एरियाआव थांनाय साइ मन्दिर गल चक्करनि साखाथियाव जादों। जाब्रबथाय जानाय कारआ इन्दिरामोन आरो बेयाव सा 8 लाइमोनफोर मरिन झइभनि फारसै थांदोंमोन। थांबाय थांनाय समावनो सामलाइथि गोमानानै कारआ लामा सेरनि खुन्थियाव सौग्रावो। जेराव

गासैबो लाइमोनफोरा गोब्राब जोखोम जायो। जाब्रबथायाव कारनि उखुमा बायनानै उरायो आरो साबा लाइमोनफोरा जायगायावनो जिउ गोमायो। गुबुन सा 3 खौ देहा फाहामसालियाव थिसन्ना फाहामथाइ होनाय जायो, जेराव सासेबाव लाइमोननि जिउ गोमायो। जाब्रबथाय जानाय जायगायावनो जिउ गोमानायफोरखौ सतु यादब, हेमन्त कुमार, सुरज कुमार, मनु महन्त, सुभम कुमार होन्ना सिनायथिनो हादों। नाथाय देहा

फाहामसालियाव थैनाय सासे लाइमोननि सिनायथिखौ मिथिनो हानाय जायाखै। फाहामथाय लाबाय थांनाय हर्स कुमार झा आरो रवि झाखौ गोब्राब थासारियाव टयट मेन देहा फाहामसालियाव थिसन्नाय जादों। जाब्रबथायाव गोर्लैनाय गासैबो लाइमोनफोर बाबाकुटि आश्रम ओन्सोलनिमोन। जाब्रबथाया समबार फुनि 8 रिंगासो समाव जादों। थैनाय लाइमोनफोरनि नख 'राव गोदान बोसोरनि रंजाथाइनि गेजेरावनो दुखुनि जौमै साग्लोबो। □

## गोदान बोसोरनि रंजानायआव आम्बालानि रेस्टुरेन्टआव हिंसायारि जाथाइ सोमजिदों

**आम्बाला, 11 जनवरी:** आम्बालानि कालिज रेस्टुरेन्टआव गोदान बोसोरनि रंजाथाइ फालिबाय थांनाय समावनो जौनि निसायाव गफबनाय लाइमोनफोर गावजों गाव गोखोडै गाग्लोबलायो। दान्थे-बिदान्थेजों जागायनाय दावरावआ ओरैबायदि बांलाडोदि, जौ फे नाय लाइमोनफोर जौबाय थांनाय अरखिआव सानै लाइमोनफोरखौ दैखांनो गाहरो। जेराव बिसोरो गोब्राब जोखोम जायो। बलदेब नगर थानानि पुलिसआ बेकेसआव सिनायमोनै लाइमोनफोरनि सायाव गुबुन गुबुन दफानि गेजेरजों केस थिसनानै नायबिजिनयखौ जागायबाय। पुलिसनो गथायनाय अजदलाइयाव सेक्टर 07 नि थागिबि अबि जिन्दल



आरो मासिबाराणि थागिबि गौरब नर्गिसआ फोरमायनाय बायदिबला, बिसोरो 31 डिसेम्बरनि मोनायाव कार्लिस्ट रेस्टुरेन्टआव गोदान बोसोरनि पार्टि खालामदोंमोन। बेयावनो सा 5-

7 सेंग्राफोर जौ लौनानै हाबफैयो आरो बिसोरजों बायदि जेंना गोनं बाथा बुंनानै दावराव खालामनो नागेरो। जेबला बिसोरखौ होबथानो नाजायो अबला जौ फेनाय लाइमोनफोरा जिउ

फोजेबनायनि थांखिजों गोखोडै गाग्लोबो। बे जाथाइयाव जोखोम जानाय आरो अजद थिसन्नाय सानै लाइमोनफोरनि मोखां आरो खर'आव गोब्राब जोखोम जादों। □

## मध्य प्रदेशआव साइबार टहसिल सिस्टेमआ जागायबाय



**भपाल, 11 जनवरी:** मध्य प्रदेशनि गासिबो जिल्लाफोराव दिनेनिफ्राय साइबार तहसिलनि बेबस्थाया सोलिबाय। बेनि उनाव रंजिस्टार जानायनि 15 साननि गेजेरावनो क्रे टानि बेंखनआव मुनि ट्रेन्सफार जागोन। बेनि थाखाय आलादायै जेबो आरज गाबनांनय नडा। बेबायदिनो जेबो जेंना गैयै मुं ट्रेन्सफार खालामनायनि थाखाय बयबो टहसिल मावख'आव

फैनायनि गोनांथि जानाय नडा। मध्य प्रदेशनि गिबि मन्थि एम महन यादबआ बे बेबस्थाखौ बेखेवना होनायनि थाखाय थांनाय सुक्राबाव मिरुनि मन्थि अमित शाहजों लोगो हमनानै बिथांखौ हांखाय हैदोंमोन। गिबि मन्थिनि हांखायनायखौ मन्थि अमित शाहआ गनायदों। गिबि मन्थिआ फोरमायदोंदि, गाहाइ मन्थि मदिनि मध्य प्रदेशनो नोगोरारिफोरसो होनाय मावफुंनो

लानाय थांखि बिलाइ 23 नि गेरैन्थिफोरखौ मावफुंनयनि थाखाय सरकारआ बिबान दड। बेनि गेजेरजोंनो 11 जनवरी 2024 निफ्राय गासै हादरआव साइबार टहसिलखौ गोहोम गोनं खालामनायनि थांखि लानाय जादों। गोदान मुगानि गोनोखो बाहायनानै आरज गाबा लासेनो अटमेटिकेलि रंजिस्टारनि उनाव 15 साननि गेजेरावनो क्रेटानि बेंखनाव मुं

ट्रेन्सफार खालामनाय जागोन आरो मानसावगारियावबो इमार्जिनिस फोसावनाय जागोन। बे हाबाफारिखौ खोलोब बायदिनै मावफुंनय जागोन। गिबि मन्थिआ बुंबावदोंदि, साइबार टहसिलनि गेजेरजों अनलाइन, पेफारलेस आरो फेजलेस हाबाफारिजों मुं ट्रेन्सफार जानायाव खुंथाया मोजांनिफ्राय साबसिननि लामायाव आगयलांगोन। □

## परिक्षा पे चर्चा 2024 नि रेजिस्ट्रेसनआ सोलिगासिनो दड



**गोदान दिल्ली, 11 जनवरी:** गाहाइ मन्थि नरेन्द्र मदिआ बर्ड आन्जादिनि सिगां फरायसाफोरनि आन्जादखौ लाना जिंगा जानायखौ जानगार होनो आरो बिसोरनो थुलुंगा होनो थाखाय 'परिक्षा पे चर्चा' एबा आन्जादिनि सायाव सावरायनाय हाबाफारिखौ दैदेनो। बे हाबाफारियाव हादरनाइने फरायसा-फरायसुलि आरो

फोरैगिरिफोरा बाहागो लायो। मख 'जाथावदि, बे हाबाफारियाव बाहागो लानो थाखाय फरायसा आरो फोरैगिरिफोरा सिगाडवनो रेजिस्ट्रेसन खालामनांगौ जायो। आथिखालाव बेनि रिजिस्ट्रेसन खालामनाया सोलिगासिनो दड आरो बेनि जोबथा अक्टखौ 12 जानुवारि 2024 सिम थि खालामना होनाय जादों। हाबाफारियाव बाहागो लानो

गोसो गुदुं फरायसा आरो फोरैगिरिफोर सम थांहोआ जासे अफिसियेल वेबसाइट इनभेटइन्डिया.माइग.इन आव थांनानै गाव गावनि रेजिस्ट्रेसन खालामनो हागोन। बबेखानि फरायसाफोरा 6 निफ्राय 12 थाखोसिमनि गेजेराव फरायनाय जानांगोन। बाहाफारियाव बाहागो लानानै गाहाइ मन्थिनाव थोंजों सौंथि खालामनो हानाय

जायो। फरायसा आरो फोरैगिरिफोरनि अनगायै सरसनसा सुबुंफोरबो 500 सोदोबनि गेजेराव लिरनानै गाव गावनि सौंथिखौ दैथाइहरनो हायो, जायनि फिन्यायखौ गाहाइ मन्थिआ होयो। फरायसाफोरनि दिथागिरि एबा बिमा-बिफाफोराबो बेयाव बाहागो लानायनि खाबु दं। हाबाफारिनि थाखाय गासै सा 2050 सुबुंफोरखौ सायख'नाय जागोन आरो बिसोरनो मावख'निफ्राय पिपिसि किट हरनाय जागोन। मख 'जाथावदि, सोलिफु बोसोराव परिशा पे चर्चानि 7थि खोन्डोखौ खुंनय जागोन। आथिखालाव बेनि अक्टखौ फोसावना होनाय जायाखै। फैंगो फे बु वारि दाननिफ्राय गुबुन गुबुन बर्डनि आन्जादआ जागायगोनखौ नोजोर होना बेनि हाबाफारिया जानुवारि दानवनो खुंजानो हागौ होना हमदंनय जादों। □

DDB-24/15th FC/2023/467

Dtd-29/12/2023

### NOTICE INVITING TENDER

Sealed Tenders are invited with affixing non refundable court fee of Rs. 8.25 (Rupees Eight and twenty-five paise) only by the undersigned, BTC, Kokrajhar from the intending Contractors/Suppliers/Firms for the works mentioned below under 6th FC for the year 2022-23.

Sl. No.	Name of Activity.	Estimated value (in Rs.)	EMD/Bid Security. (in Rs. 1% ST, SC & 2% Oth)	Tender fees. (in Rs.)	Pre-bid Date & Time.	Last Date & Time of Bid submission.	Date & Time of Bid Opening.
1	Const. of RCC Box Culvert with 2 nos. Naodrabil village road.	19,79,400.00	1% for reserve category & 2% for unreserve.	600.00	04/01/2024 10:30 A.M.	20/01/2024 02:00 P.M.	20/01/2024 02:30 P.M.
2	Const. of Earth Filling and Sand Graveling 1 nos. RCC Culvert at Kwirwguri village road.	18,81,371.00	1% for reserve category & 2% for unreserve.	600.00	04/01/2024 10:30 A.M.	20/01/2024 02:00 P.M.	20/01/2024 02:30 P.M.

The Tender document can be seen/obtained from the undersigned during Office hours a pre-bid meeting will be held as mentioned above.

The address for the meeting is BDO's Chamber Dotma Dev. Block Dotma. The bid will be opened in the Office of the undersigned as per the schedule mentioned above.

The TIA reserves the right to accept or reject any bid/tender and to cancel/annual the bidding process and reject all bids at any time prior to contract award.

Sd/-

Block Development Officer,  
Dotma Development Block, Dotma


IPR(BTC)-2023-24/1052

## माखासे सुबुंफोरा गुबुननिफ्राय बांसिन गाबनायनि जाहोन आरो गाबनायनि माखासे मुलाम्फा: मिबथिनो गोनां


बे मोनसे गिदिर सोंथिदि, जेब्ला जों दुखु जायो, रंजा खुसि जायो आरो इम'शनेल जायो अब्ला मानो गाबनो ओंखारो एबा मेगननिफ्राय मोदै ओंखारो । इमशन एबा सान्दांथिफोरा माबोरें जोंखौं गाबनांहीनो हायो ? माब्लाबा समाव जों गोबां गाबो नाथाय माखासे सुबुंफोरा सरासन्सायै गुबुननिफ्राय बांसिन गाबो । मानि थाखाय गाबो आरो गाबोब्ला मेगननिफ्राय माबोरें मोदै गयो बेफोरखौं मिबथिनाया जौनि थाखाय गोनांथार । अदेबानि गाबनाया जौनि देहानि थाखाय मुलाम्फा गोनांभो जायो । मानोना मोदैया जौनि मेगनखौं हाइड्रेट खालामो । मेगनआव मोदै जानानै थानाय लाव




हायो । माखासे सुबुंफोरा साखाथियाव थानाय सुबुंफोरनि इम'शनखौं गोथौयै मोन्दांथिनो हायो । बिसोर बायदि सुबुंआबो गुबुननिफ्राय बांसिन गाबो । बेनि ओंथिया जादों, जाय सुबुंफोरा मेन इम'शनखौं बांसिन आरो गोखै मोन्दांथियो बिसोरो बांसिन गाबो । अदेबानि माखासे सुबुंफोरा गुबुननिफ्राय बांसिन इम'शनेल जाग्राबो थायो । रिसार्चनि बायदिब्ला, हिन्जावफोरा हौवाफोरनिखुइ बांसिन इम'शन जायो । हिन्जावफोरा खम बैसोनिफ्रायनो गावनि इम'शनखौं नायबिजिस्रा बाश्रा रयज्जायनाय आरो आखल-आखु दिन्थिनायाव बांसिनै समाजारि एबा आबुथि गोनां जायो । जर'खागिरिफोरनि



बायदिब्ला मेगननि मोदैखौं मोन्थाम रोखोमाव रान्नाय जादों-बेसल, रिफ्लेक्स आरो इम'शन । जौनि मेगननि आइबल आरो आइलिडनि गेजेराव लेक्रिमल ग्लेन्ड थायो । बे ग्लेन्डआ मोदैखौं बानायो आरो बेनो मोदैखौं गोमाहोयोबो । बेसल मोदैया बै दै जाय जौनि मेगननि कर्नियाखौं जेब्लायबो गिसि खालामनानै लाखियो । सानसेयाव जौनि मेगनाव 150-300 एमएल बेसल मोदै सोमजिखांहोयो । सानफ्रोमबो जौनि मेगनआ खापसे साहाजों समान मोदै ओंखारहोयो । रिफ्लेक्स मोदैया बायजोआरि सोलायनायजों ओंखारो । जेरें मेगनाव बार, हाडि एबा माबा मोनसे हाबोब्ला ओंखारो आरो जों आलौनाय मोनो । बेबायदि मोन्दांथियोब्ला मेलेमाव थाबैनो सिगनाल मोनहेना मेगनआव मोदैखौं बांसिन फैहोयो आरो बे मोदैया उसिफावनानै मेगननि बायजोआव गबोयो । बेबायदि मोदैखौं रिफ्लेक्स मोदै बुडो । फारसेथिं इम'शनेल मोदैया जौनि सान्दांथिजों थोंजों सोमोन्दो गोनां । बे मोदैयाव एसिटिएच हर्मन आरो इन्सेप्लिन पैनकिलार थायो । जायनि जाहोनाव गाबनानै मोदै गनायनि उनाव गोसो आरो मेलेमखौं रेजें मोन्दांथिहोयो । बे मोदैया गोसोनि दाहाखौं जानगार खालामनायावबो मदत खालामो । गोबां खेब जोखोम मोनानै गाबनाय मोदैया पैनकिलारनि खामानि मावो ।



लाव दै बायदि मुवाया मेगननि सा बाहागोआव मोनसे इन्जुर महरैबो मेगनखौं रैखा खालामो । मोदैया जौनि मोदैनि सा बाहागोसिम अक्सिजेन आरो पषक थत्वफोरखौं सौहै होयो । मानिबा जाहोनाव दुखु मोन्नाय, अन्नाय, देहानि सानाय, सोरनिबा थाखाय दुखु खालामनायनि मोदै आरो गुबुन गुबुन मेलेमारि सान्दांथिफोरनि रिपेक्ट दिन्थिनाया मोदैनि महराव नुजाथियो । गाबनाया सुबुंफोरखौं गावजों गाव फोनांजाबनानैबो लाखियो । जर'खागिरिफोरनि बायदिब्ला गाबनाया देहानि थाखाय मुलाम्फा गोनां । गाबनाया गुबुन गुबुन रोखोमनि दड । जेब्ला इम'शनेल एबा गोसोआव



नानानै गाबो आरो बेयाव जाय मोदै गयो बेयो गुबुन रोखोमनि मोदैनि रुजुनायाव जेना गोनांसिन, हर्मन आरो मिथिगायारि दाहा जानायखौं फोजेबग्राबो जायो । बेयो मोनसे फाहामथाइनि बिफावबो लायो, जायखौं मोजांनि थाखाय गाबनाय होन्ना बुनाय जायो । मख'जाथावदि, माखासे सुबुंफोरा गुबुननिफ्राय बांसिन गाबो । रिसार्चनि बायदिब्ला, हिन्जावफोरा हौवाफोरनिखुइ 60 जौखोन्दो बांसिन गाबो । गाबनाया खायसे सुबुंफोरनि थाखाय गावनि गोजोन सान्थि मोन्नायनि थाखाय जानो हागौ, जाय देहाखौं पेजिकेलि गोजोन खालामनाय आरो हाट्ट बिटखौं खम खालामनायाव मदत

### बायफलेलांबाय हाबिलाया

रोबै गैयि साननि गोजों अखांआव आडे सुजुदोंमोन नोंजों जिउ रादायनि सोमोनदो, नाजादोंमोन जोमैनि सायाव नोंजों बिरनो बारनि गोजोनाव नोंजों गोजोमनानै थानो ।

नाथाय हरखाबैनो जे बारहुंखा-सारअन्थाय जोमैया बुथिंजावायो बारजों हालाय-हाफाय, बोहैयो मोदै आ अखा बायदि गोजौनिफ्राय थरथिं-थरथिंयै ओंखारो दुखुआ जिउनिफ्राय ।

बोथोरारो ह'थादैनो सिरि-सिरि जालांबायसो गोसोआबो नौनि जिबौबादि रंग' लांबायसो... सिमानि देरयाबो आंखौं हारसिं थाहोबायसो साननाय मिजिंआ लाहाखि महर मोनबायसो ।

साननि बुब्लिजों होयो नों मेगननि हाडि-बाला बुजिया गोरबोआ गावो थोर-थोर जिउ लाना... थाना थानायनि जोबथा थैनायखौंनो लाखिना बुहुमनि रावबो जिउ गैयि थावनिखौं नागिरना ।

सिमांफोरा नंखायजों बिखायाव सौगिलबाय अन्थाइ बिखाजों नौनि फोथायखेबस' अननाय, साननैसो समजोंनो आनि जिउजों गेलेलांबाय हांमानि सानस्रिया आंखौं निसानि मुहिहोबाय ।

नाथाय नोंबो साजाखौं सानसेब्लाबो मोनगोन आनि दुखुनिखुइबो नोडे गोबां दुखु लानांगोन, अब्लासो मेगननि मोदैआ हर-सान बोहैलांगोन नोबो गोजोननि अनगा दुखुखौं बोजबनांगोन ।

लैथोयाव गैयामोन जे दिने लैथोआवनो गब'दों थांखिया आयना बायदि थुखा-थुखा जालांदों, नों गैयियाव आनि जिउआ जोबस्त्रांनो नाजादों सानसेनि उनाव सानसेयै थैनो थांखि लाखिदों ।

निन्द्र बसुमतारि

काशिकत्रा ( कुमगुरि ), चिरां

### आंनि डिमापुर नोगोरनि गोसोखाथि

रिउ-रिउ बेसेबांभा गोजानाव थाबोबाय जौनि बर'नि राजुलाफाद गोसोखां खाम्फाफोरा, संकस निफ्राय हान्थिलांबोला हालो-दैलो मोनलाडे बबेबा गोजान हादरावसो जायखारबोबाय मोनलायनाय बेसेबांभा गुवारमोन अब्ला जौनि फुरगाजोंथिफुर डिमापुर रायजोया ।

सिनायथियानो गोमालांजोबबाय बायखोन्दा खाम्फानि इन्जुरआव गुबुनारि राव लिरजाबाय, डिमापुरनि बायखोन्दा नोगोराव लोगो मोन्नाय सासे आबै दं "आंब'बर', आंन'बर' सिंथि हलां, आंब'थांफान'बारदैसिख्लाफर'" होन्नानै रायदावनायाव आं गोजांस्त्रि मोनखांदों - बर'या मानो खोमानानै लाजोबखो.... ।

सोमदोन जोहोलाव सम्बुधन कछारी सम्बुधन पांलं बबे मोनसेया सोरनि जोहोलाव बेनि रोखा जारिमिन दंमारोने ? जौनि जारिमिनाव फरायनो मोन्नाय मेजर बयडनि नमाया जोंखोलैनो दं

राजानि दुगैग्रा फुखियाबो दाबोने दं, अन्थायनि बायखोन्दा खाम्फा दाबोने दड' ।

बेखौं नायब्ला मिथियो जौनि राजाया बावैसो गोमालांथारदों नाथाय सैथो जारिमिना.. ?

गलाप खुंगुर बसुमतारि  
बसगाव, कक्राझार

### फै जों बयबो नों दानागार

आं दानागार नख'र गंसेनि जाना,  
बिदा-फंबाय, बिब'-बिनानाव  
बादिनो खौसेथियै,

बर' बिमानि मेगननि मोदैखौं फुगारदोनि  
बहुमाव बर' हारिखौं मोनसे  
गेरेमसा माहारि सोरजिलांनो  
खौसेयै हाबा मावलांनि ।

मुस्त्रि सुग्रेम ब्रह्म  
1 नं सियालमालि  
( कक्राझार )

## रंजालि गथ'फोरनि सौरा

### बियो दोंसे सल' जानो हायो

बियो सल' जानो हायो  
मोनसे जिउनि  
खुगानि बानबुंथिया आराव जायोब्ला  
गुस्थिनि मिनिनाय आरो  
गोरबोनि बाश्राफोरा  
रावबो मिथियि  
मिजिंनि गोरबोआव खुदियो !

राव गोयि गोरबोआ  
बेसेबादि सिरियै बिखा सुगिललाडे  
आरो मेगनफोरा दैमा जाना  
बेसेबादि मोदै बोहैयो  
बेखौं रावबो मिथिया  
नाथाय बे गोरबोआव बाश्राफोरा  
बेसेबादि जोनोम जागोन  
हमथानो हानाय नड ।

मिजिंनि फावथिनाया फेलें जायोब्ला  
जिउनि जुरिजेननाय लामाया  
थाबथानायनि सिगांआव  
बायदि बाश्राजों हांगो-दोंगो  
जानायनि उनावबो  
सल' थाबथया  
आरो गोदानै जुरिनो आथुर जायो  
मोनसे फैसालियाव ।

अन्जालि सर्गियारी  
बाक्सा

### बर' बिमानि मोदै

आय' हाबाव माब्ला फुगारबावनो  
बर' बिमानि मेगननि मोदै ।  
ओइ बुहुमनि बर' फिसाफोर  
नोंसोर मानो गावजों गावनो  
एना-एनि, नांलाय-खमलाय  
बुलाय-सुलाय, दावराव-दावसि ।  
गुबुन हारिफोरा मिनिहरदोंसै हनै,  
बर' बिमानि मेगनाव मोदै,  
खुगायाव खुदै, आलाय-सिलाय  
जानांनायखौं नुहरनानै ।  
सिरि मोनखांदों नोंसोर उन्दुलांनयनिफ्राय  
सिखारदो बर' फिसाफोर ।

मुस्त्रि सुब' बर'

1 नं सियालमालि ( कक्राझार )

### आं मा आइयै !

आं मा आइयै.....  
दिने खिन्था आंनो आयै  
गोबां सोंथि दं आनि गोसोआव आइयै ।  
दा सिफाय नों आइयै ।  
आनि गोसोखौं  
खिन्था आंनो दिने  
आं मा ?  
सोर आं आयै ?  
बायना लाबोजानाय मुवा नामा आं आयै  
हायो नामा आंखौं फाननो  
दैमानि दै बादि बुहैगारनो हायो नामा आंखौं आइयै  
आं मा आइयै ?  
मोनथाइ गैया नामा आंहा गावनि गोसोबादि खामानि मावनो  
सम जाब्लानो जुलि खालामनाय  
उदांथि गैया नामा आनि थाखाय बे मुलुग संसाराव ?  
हाया नामा आइयै आंनो उदांथि होनो  
हाया नामा आंखौं उदांस्त्रिनि उनाव खारनो होनो  
आं मा आइयै... ?

संगिता बर'

लाटापारा, गवालपारा

### लिमारिक

-ए. के. ब्रह्म

( 1 )

दावहानि सिगां सिगां रावणा फोरजाफोरखौं सोगोमदों:  
"खबरदार ! माब्लाबाबो नोंसोर आंजों जुजिनो दासान होन्दों;  
आनि बेरेखायै जुदि नोंसोर गसडेब्ला  
लामानि बिबायारि" जानाय नड,  
रामबादि हिन्जाव गोमा जानाय हालोद जानांगोन आं रावणा बुंदों

( 2 )

दै बानानि दोहौंआव दिल्लीनिफ्राय आसामाव कौटि-कौटि रं  
बोहैबोयो  
बे खेबाव 3,073 कौटि रं बिनायाव 250 रंल'सो हरो;  
डिभाइड मानि फिफटि-फिफटि बुंजाया,  
भुपेन बराबादि जन्थर-मन्थराव धर्णाबो होजाया  
बेव दिल्लीनि मा साल दं: अब्ला सर्बानन्द पन्थीनि आखाइ  
दंमारो !

### मुंदांखा जा

मुंदांखा जा  
सुबुंस्त्री आखुजों,  
मुंदांखा जा  
सैथोबादि खामानि जों,  
जाय मुंदांखाया  
रावजोंबो नेवसिजाया ।

मुंदांखा जा  
गुबुनखौं अनसायनानै,  
मुंदांखा जा  
सैथोजों गोरबनानै,  
जाय मुंदांखाया  
रावखौबो दुखुमोनहोया ।

मुंदांखा जा  
शुनलाइ सोरजिनानै,  
मुंदांखा जा  
शुनलाइ फरायनानै,  
जाय मुंदांखाया  
रावनिबो इनाय नड ।

मुंदांखा जा  
गावनि हारिमु फोथांना लाखिनानै,  
मुंदांखा जा  
गुबुननि हारिमु फरायसंनानै,  
जाय मुंदांखाया  
रावनिबो खहा खालामा ।

मुंदांखा जा  
बादायलायनायाव देरहानानै,  
मुंदांखा जा  
थांखिखौं जाफुंसार होनानै,  
जाय मुंदांखाया  
जेब्लायबो गोगगानाय लाबोयो ।

ज्योतिष मुछसारि  
जनता फरायसालिमा  
( सेरफांगुरि ), कक्राझार

### थैनो थांनि

फै जों थैनो थांनि  
खौसेयै हान्जा - हान्जा  
गावनि हारिखौं रैखाथि खालामनायाव  
जिउ गोमाबालाय माथो जानो ?  
इयुन जोलैखौं मदर खालामनाया माथो जानो ?  
फै आदा गेन्दा, आदा जासुला  
नोंसोरबो फै थैनो थांनि  
निसानि फुखियाव गबनायनिफ्राय  
गावखौं उदां खालामना  
गावनि हारिनि थाखाय ।  
फै जों थैनो थांनि  
आदा दाडहारु, आदा जोहोलाउ  
नोंसोरबो दाजासे राजखांस्थिनि निसा  
हारिया जौगाखांबानो  
जाफिनदो नोंसोर राजा  
नाथाय दा हारिनि थाखाय ।  
फै जों थैनो थांनि  
बर' हारिखौं खौसे खालायदिनि ।

मुस्त्रि सुब' बर'  
1 नं सियालमालि  
कक्राझार, बि.टि.आर

### आंनि मददगिरियानो आंनि इसोर

आंनि थार इसोरआ बैसोरनो  
जाय आंखौं अनो ।

आंनि थार इसोरआ बैसोरनो  
जाय आनि दुखु-दाहानि गासै समाव  
मदद खालामफायो  
आरो आं बैसोरखौनो अराय समाव  
सिबिलांबाय थागोन, मानिलांबाय थागोन,  
गोसोखांबाय थागोन  
आरो जायखिजाया समावनो  
गाव हानायखिनि खामानिखौं  
फिन मदत होनो थाखायबो थियारि जाना थागोन ।

नाथाय .....  
आं बुजिस'नो हाया  
बैसोरनि अन्नाय !  
जाय आंनो अन्नायनि मुडव  
बिस गोनां अन्नाय होयो!!

फुकन बसुमतारि  
मंग'लियान ( बिजनी ), चिरां

## 'सुंद'सल' तेमना मुसाहारि-

: हेल’ तेमना
: रै बाजू तेमनाया न’आव दना गैया, तेमना बिबाजूआ लामानि लांगोनायाव थानानै गुरै रावजॉं फिन हरो ए माथौ, नमिट मोनसोलाइ फै तेमनाया न’आवनो दं न’आवनो माबरैरै सानसे गाहाम जनानै थानो हायोब्रा जोंखोलाइ माथो दसे जनानै थानो हायै, नॉनिं मासिआवनो एम्फौ दऽखोमालै अरदावबाय थायो। शोध जामबालाइ। नॉसोर मा तेमना बांसिन न’ सिंसिफ्राय ऑंखार बायो आरो नमिट आरो बुन्दुरामखौ गावनि रूमाव लानानै थाडे। दसेनि उनाव तेमना बिबाजूआ साहा लानानै रूमाव हाबफैयो आरो बुडे। नमिट माथो दासो दिनेसो नऽल्लै बाजू तेमना बिबानैआ बुडे माबाफोर खौरं दऽ नामा ? नमिट फिन बुंफिनो माबालै बाजू गाबोननिफ्राय तिउसन दऽ कक्राइार नाराबारि हिन्जावसा गोजू फरायसालियाव बेखौनो खौरं होनो फैदों। मनि? ब्विगियान खौरंनिलै बाजू। दे बिदिब्ला रायऽलाय आंहा गोबां खामानि दऽ; बिदि बुंनानै तेमना बिबाजूआ ऑंखार लाडे। तेमना नमिट आरो बुन्दुराम मोनहा मोनसे थाखोनिनो फरायसा बिसोर साथामबो कक्राइार हायार सेकेण्डारी स्कुलाव जि थाखोआव फरायो। साथामबो खि एरख’लायग्रा लोगो बिसोर फरायनायाव, मिथिं दावथें जेरावबो ज’ज’ गिदिडे। फरायसा हिसाबै बिासोर जेरावबो बाहागो लायो बिनिखायनो साहसआबो गोर। साथामबो बिसोर फरायनायनि सोमोन्दै बाश्रा रायऽलायो बिनि उनाव तेमनाया नमिटनाव सोडे फरायसाफोरालाय साबसे जाखो ना जॉं साथामल’ जौल’ नऽल्लै हिन्जावसाफोरबो।

तेमनाया हिन्जावफोरबो ओंलै हिन्जावफोरबो मालाय हिन्जावफोरसो सिगां सोंग्रोदोंनोलै बिनि खायनो बिसोरजॉंसो ज’ फोरोजेनो आधिकालनि फोरोंगिरिनोसै बोराया जेरै गांसो गोरलै नागिरो बिसोरनोबो लाइक बिबदिनो। नमिट, बे दाबो जेबो नऽ जगोन जौल’ थिखजा। थिक बे समावनो तेमना बिबाजूआ रूमाव हाबफैफिनो आरो नमिट आरो बुन्दुरामखौ ऑंखारो जानानै थानो हमयो। बे समावनो नमिटआ बूंधेना होयो नाऽ बाडे माब्लाबा जगोन दिने नऽ आरो दिने बाजारव थानंगों। दं। तेमना बिबाजूेया अत्रा खालामसै। नमिट आरो बुन्दुराम मोनहा तेमनानि नख’रखौ माथो होसोनानै बिदाय लानानै बाजार फारसे ऑंखारबोयो सानैजॅं। लामाजॅं गोबां मानसि साइकेल सालायनाय तेला गारि नारनाय बायदिजॅं बुंफबनाय, दसेनि

(□ १ बिलाइनिफ्राय)

## दिघलीफुखुरिनिफ्राय नुनमाति एफसिआइसिम गुवाहाटीनि गोलावसिन फ्लाइअभारनि अन्थाइ...

फ्लाइअभारनि जाहोनाव हान्था–मेलानि बिथिडव जेंना सोमजिगोनब्लाबो फ्लाइअभार लुजायामोनब्ला फैगौ ४–५ बोसोर उनाव बे जेंनाया आरोबाव बांसिन जगोन। बिथाड बुंदोंदि, फ्लाइअभारनि सिंनि जायगाफोरखौ थि पार्किनि रहा जानायाव फालांगिरिफोर मुलाम्फा जगोन। गिबि मन्श्रिआ बुंदोंदि, फ्लाइअभारनि सिंजॉंबो गारिफोर थांलाइ–फैलाय खालामनो हानाय बायदियै रहा थागोन। फैगौ २ एबा २ खावसे बोसोरनि गेजेराव बे फ्लाइअभारनि लुनाया आबुं जाहैगोन होन्नानैबो गिबि मन्श्रिआ बुडे। गिबि मन्श्रिआ बुंदोंदि, दिने गुवाहाटीनि थागिरिफोरनि थाखाय गं २०० मोब्लिबयारि बासखौ गोथारै बेखेवनाय जांयो आरो फैगौ २८ फेब्रुवारीनिफ्राय भुटनाथनिफ्राय ब्रह्मपुत्र दैमानि गेजेजॅं मासक्वासिम थानो हानाय बायदियै गुवाहाटी–सा गुवाहाटी दालांनि मोनसे बाहागोखौ बेखेवनाय जगोन। बेनि जाहोनाव भरलुमुकयाव सोमजिनाय गारि–मथरनि होंगो–दोंगो सोमजिनाय जेंनाया गैयै जगोन। फैगौ १९ जानेवारीयाव गुवाहाटी रिभार प्रन्ट डेभलपमेन्टखौ गोथारै बेखेवनायनि थाखाय थॉंखि लानाय जादों होन्नानै बिथाड फोरमायो। बेनि जाहोनाव सरासनऺा सुबुंफोर ब्रह्मपुत्रनि दैमानि समायना नुथायखौ नायनो हागोन। बे बिथांखिनि सिडव सिजिपम कर्टनि बाहागोखौ फैगौ ६ दाननि गेजेराव आबुं खालामनो हागोन होन्नानैबो बिथाड बुडे। गिबि मन्श्रिआ बुंदोंदि, दिनेनिफ्राय नोगोरमायाव १३ रोरो नख ’ररिनो गोदान दे जगायथाय होनायनि थाखाय खामानिखौ जागायजेन्नाय जगोन। गुबुन फारसे मोन १५ डिस्ट्रिक्ट मिटारि जनखौ दिनेनिफ्राय जागायजेन्नाय जगोन होन्नानैबो बिथाड बुडे। गिबि मन्श्रिआ बुंदोंदि, गुवाहाटी उरां जहाज गाथोननिफ्राय थारपुरसिम गासै लामाखौ ६ लेन गोनां खालामनो नागिरनाय जादों। फारनैथिंजयनि लामानि लुनाय खामानिखौ जागायजेन्नाय जाबाय आरो ६ लेन गोनां लामा लुनायनि थाखाय तारपुर सारियालियाव गंसे फ्लाइअभार लुनाय जगोन। बेनि जाहोनाव मुलगुसोलोंसालिनिफ्राय तारपुर जानानै टार्मिनेलसिम थानायाव जेबो जेंना सोमजिनाय नऽ। गुबुन फारसे पलाशबारि, सङ्गावसिम थानो नागिरनाय गारिफोर जेंना–जेंसिजॅं मोगा–मोगि जानो गोनां जानायनऽ। गिबि मन्श्रिआ बुंदोंदि, भारत सरकारआ बे बिथांखिखो गनायथिबाय आरो आधिखालाव बेनि खामानिखौ जागायजेन्नाय जाबाय। दिनेनि बे हाबाफारियाव नख’र’ लुफुंग्रा आरो नोगोर परिक्रमा, दे जगायथाय बिफाननि मन्श्रि अशक सिंहाल, सुबुं देहा कारिकरि बिफाननि मन्श्रि जयन्त मल्ल बरुवा, एमपि कुइन् उजा, रइज्यो सभानि एमपि आरो गिबि मन्श्रि राजखान्थि बोंसोनगिरि पबित्र मार्घेरिटा, एमप्लएफोर फारिये– सिद्धार्थ भत्ताचौडै, रमेन्द्र नारायण कलिता, अतुल बरा, गुवाहाटी नोगोर आफादनि मेयर मृगेन शरनिया, एमसिएलएफोर, पुलिस बिथोनगिरि गाहाइ जि.पि. सिं, सुबुं लुफुंथाय बिफाननि गोजू थाखोनि बिबानगिरिफोरजॅं लोगोसे माखासे गोजू थाखोनि बिबानगिरिफोर बाहागो लाफैदोंमोन।□

## गसाइगाव पुलिसआ अन्सायजानाय खामानि...

बोखानानै फोरोंगिरि नख’ररिनो गथायफिन्नाय जाथाया नख’ररिखौ गोबां अलखदिनफ्राय रैखा खालामदों। मिबथिनो मोन्नाय बायदियै गसाइगाव महकुमानि भावरगुरि सोनाब दाडइमारनि थागिरि आरो सोनाब दाडइमारि एलपि स्कुलनि फोरोंगिरि निलकन्ट बर्मनआ गावनि न’आव गोदान न’ लुनो माखासे सान सिगां बेंकनिफ्राय ७.५ लाख रं दिहुदेंदोंमोन। नाथाय न’ लुनो लानाया दोन्थ’जानायाव बियो रंखौ फिन बेंकयाव जमा खालामनो थॉंखि लायो। बेबायदिनो बर्मनआ दिने नख’ररिजॅं भारतीय स्टेट बेंकनि गसाइगाव दालाइयाव फैनानै रंखौ जमा होनो थानायाव गथ’सा फिसाण्जानि जर’खा जेंना सोमजिनायाव गोरोन्थि बादियै रंनि मनाखौ बेंकनि खाथियावनो दोन्नानै गोखैनो बियो न’सिम थॉंफिनो। नाथाय दसे सम उनावनो रंनि मनाखौ नागिरना मोनैयाव बर्मननि नख’रव हलालइ–हाफाय थासारि सोमजियो। बेनि गेजेरावनो बेलासिनि ३:०० रिगासोयाव गसाइगाव सदर थानानि सहर लेडइ सामलायगिरि (ट्रिस्टअइ) कपिल उदित आहमेदैनो नेमबायियै नेथ’ना नायसंबाया थानाय समावनो रंनि मनाखौ बोखानो मोनो। जायनि उनाव बियो रंनि बिगोमानो खौरं हरनानै गसाइगावसिम लिंहरना महकुमा पुलिस बिबानगिरि हिरेन कुमार डेकानि नुजाथि फैनायाव ७.५ लाख रंनि गुबै बिगोमानो गथायना होयो। पुलिसनि माव बिबान खामानि आरो अन्सायनायखौ गसाइगावनि थागिरि रइजो–रजाफोरा साबायख’र बाउदों।□

## राइज्यो बेंगिरिआ गावनि नख’रनि सोद्रोमाफोरजॉं साननैनि हाबाफारिजॉं मानास माहारियारि ...

लामाजॅं मुसा रिजर्टसिम थाडे। बेनि उनाव सानजौफु समाव मानासनि बासबारि रेन्जनि महल केम्पआव मैदेर थुखैनाय–मैदेरनि जोथोन लानाय नुथायखौ रंजनाय लायो आरो मोनाबिलियाव मुसा रिजर्टआव खुंनाय मोनसे हारिमुआरि हाबाफारियाव बाहागो लानानै बिहु, बागुरम्बा, झुमुर बायदि हारिमुवारि मोसाननै दिन्थिफुंनऊनायखौ नायनानै रंजनाय लायो। दिनें फुंबिलियाव रइज्यो बेंगिरिनि नख’र मानास हाग्रामायाव मैदेर साफारि खालामोनायजॉं लोगोसे रइज्यो बेंगिरिया गं ८ जीपजॅं हाग्रा साफारि खालामो आरो रिफर्ट बायदिजॅं रंजनाय लायो। रइज्यो बेंगिरि कातारियाया आसाम आरो मानासनि रइजो–रजाफोरनिसिम इंग्रजि गोदान बोसोरनि हाहाम हामब्लाथयि जासियो। बासबारि हाग्रा ओन्सोलनि गाहाय हाबग्रा दरखंआव खौरंगिरिफोरनि मोगा–मोगि लानायाव रइज्यो बेंगिरिया गोदान बोसोर २०२४ माइथायनि मुडै आसामनि रइजो–रजाफोरजॅं लोगोसे मानास माहारियारि हाग्रामा आरो खाथि–खाला ओन्सोलफोरनि रइजो–रजाफोरथिसिम हाहाम हामब्ला्यनाय जासियो। बे गोदान बोसोरा आसाम आरो हादोरनि रइजो–रजाफोरनि थाखाय मोजां जाथों। दिनें मानास मोसा बिथांखियाव दावबायफैनानै आरो जीप साफारी खालामनानै गोदान बोसोरखौ फालिनानै बिथाड गोज्ञेनाय मोन्नाय फोरमायो। रइज्यो बेंगिरिजॅं लोगोसे नख’र सा नाननेनि हाबाफारिजॅं दावबायफैनायनि उनाव दिनें सानजौफु समाव मानासनिफ्राय बिदाय लायो। मख’नो गोनांदि, रइज्यो बेंगिरि दावबायफैगोनखौ नोजोर होनानै पुलिस खुंथाया सान्थामनि थाखाय मानास माहारियारि हाग्रामायाव गोखॅं रैखाथि होनायनि राहा खालामदोंमोन।□

उनाव बाजार मोनबाय। बाजारव बिसोरो माबा–माबि लानानै दसे बेरायदिडे बिनिक्राय बिसोर, न’ फारसे आगान सुरो। मानोना नमित्त आरो बुन्दुराम मोनहा तिउसननि सोमोन्दै रायऽलाय बोगासिनो दं। थिक बे समावनो बुन्दुरामा बुडे– नमिट तिउसन लानानैल’ जाया न’आव एसेबो सिताडे खालामब्ला माइरं गैया। आधिकाल बर’ धुनलाइ आफादआव मेट्रिक आन्जादआव जायनो बांसिन मोजां नम्बर मोन्नानै जुदि बर’ धुनलाइआवबो बांसिन नम्बर मोनोब्ला बेनो बर’ धुनलाइ आफादआ गांसे दाखानाय बिलाइजॅं लोगोसे १०,००० रं बान्था होयोनो। बे बान्थाखौ जॉंखौ लानो नाजा नगोन। बे बायदि रायऽलायै–रायऽलायै माब्लादि न’ फारसे मोनहैखो आन्दसआनो गैया। दानिया बिसोरखो गावबा–गाव गावगानानै न’ फारसे थाडे। दिने रबिबारनि साना बाबेनलाडे। अखानायै बुन्दुरामा फुंआवनो सिखारना हाथाय आरो मोखां सुयो। सुखंनारयनि उनाव बियो दसे बिजाब फरायो, समा माब्लाबोनो ८.०० बाजिबाय थि बे समावनो नमिट बुन्दुरामखौ गाबत्रियो। गाबत्रिनायखौ खोनानानै हाब्रांआ गावनि बिजाबखौ लानानै साइकेल सालायो। मानोना दिनें फुंनि ८.३० बाजियाव तिउसना जगोन। थि ८–१५ बाजियाव तेमनाया बुन्दुराम आरो नमित्तखौ सिलायाव नेगासिनो दऽ। जॉं फरायसालि मोन्हैनायनि सिगां माब्लाबानो जॉंजॅं लाफानो गोनां हिन्जावसाफोरा दफैखायो गासैबो फरायसाफोरनो फोरोंजानो थाखाय मोजां रुम बासिानानै लादों। बे रुम नागिरनाय समाव मोनसे खथायाव तेमना आरो नमिता मुनि सासे लाइमोन बैसोनि सिख्लाजॅं सौग्रावलायदों। नमिताया आखाइयाव लानाय बिजाबफोरा हायाव गोरलैयो। सानैबो बिजाबखौ खन्नाय समावनो फेरोंगिरिया फैयो। गासैबो रूमाव हाबजोबो। जाजेननायनिफ्रायनो नमिताया तेमनाखौ मिञ्ज्लौ–मिञ्ज्लौ नायरददें–नायरददें तेमनायाखौ बिखौ नायरहरदिनदें। फोरोंनायाव गोसोआनो गैया दिनें बिसोर सानैआ बोहैआ नाथाय नमिता आरो तेमनाखौ नोजोर होखाडे मानोना बियो बुंखादों बै समाव दिनें तिउसन जोबबाय। बिबदिनो दिनेबो नायऽलायो गाबोनबो नायऽलायो तेमनाया नमिताखौ सानसे नुवाब्लानो माबा गोमानाय बायदि माबेरै विनो लाइजाम हरग्रोनो ओजोंहाय बियो नमिट आरो बुन्दुरामखौ लाजिदें बिबाजूेजोबो मिथिं जानो गिदों मानोना बिबाजूेया बिखौ जोबोद नोजोर होखायो तेमनाया जानाय जाथायखौ नमित्त मोनहा मिथियाखै मानोना खोरोमाबबो खोन्थायाखै रावनोबो खालि नमित्तआल’ मिबथिगो। थानो

(□ १ बिलाइनिफ्राय)

## मोनथाम आलादा–आलादा लामानि जाब्रबथायाव सा ३..

राजा लामायाव गंसे स्करपिय’ गारिआ गंसे पाल्सार बाइकखौ सौख्लायलाडे। गोखॅं गोखैथिंजॅं फैनाय स्करपिय’ गारिआ पाल्सार बाइकखौ सौग्राव होनायाव जाथायसालियावनो बाइक सालायगिरिआ जिउ गोमायो। जिउ गोमानाय सुबुंखौ तारिनी केउट होन्ना सिनायथिनाय जादें। जाब्रबथायाव जहन गवाला मुनि गुबुन सासे सुबुंआबो गोब्राबबै जोखोम जायो। गोदान बोसोरनि गिबि सानखालि जिल्लानि सिडव थानाय दुधनैयावबो मोन्ने दुखुनंथाव लामानि जाब्रबथाय सोमजिदों। १७ रं. माहारियारि राजा लामा लेला कदमतलायाव लामाजॅं थाबायलानाय सासे सुबुंखौ सिनायथिनो गंनै गारिआ सौख्लायलाडे। थाबायना थंाबाय थानाय थासारियाव गोखॅं गोखैथिजॉं फैनाय गारिआ सौग्रावहोनायाव आनवार आलि मुनि सासे सुबुंआ जिउ गोमायो। फारसेथिं, दुधनै दैसा दालांनि साखाथियावबो गुबुन मोनसे लामा जाब्रबथाया सोमजियो। बाइक सालायनानै थंाबाय थानाय थासारियाव सिनायथिनो मोनै गारिआ बाइक सालायरिखौ सौग्रावहोयो। जाब्रबथायाव जाथायसालियावनो बाइक सालायगिरि बिन्द चेत्रि मुनि सासे सुबुंआ जिउ गोमायो।□

## तामुलपुर गोजौसिन गेजेरारि फरायसालिनि बारग’ फरायसा जथुम्मानि गाहाइ खुन्थिया...

फरायसा जथुम्मानि गाहाइ खुन्थिया आरो लुनो गोनां भवननि अन्थाइ खाम्फाखौ गायसन्नानै होयो बिटिसिनि गाहाइ मावफुं सोद्रोमा प्रमद बर’आ। गाहाइ खुन्थिया आरो अन्थाइ खाम्फा गायसन्नानयनि उनाव बिटिसिनि गाहाइ मावफुं सोद्रोमा प्रमद बर’आ बुडेदि, बारग’ फरायसाफोरनि गंसे फरायसालिनि फारसै सिबिनाया अरयबो थायो। फरायसालिनि जौगाथायाव फरायसालिनि बारग’ फरायसाफोरनिबो मोनसे समाजारि बिबान थायो होन्नानै बिथाड बुडे। तामुलपुर गोजौसिन गेजेरारि फरायसालिनि बारग’ फरायसा जथुम्मानि गेजेरजॉं फरायसालिनिफ्राय बेसेबां सुबुं सम्पद दाफुंजाबाय बेनि मोनसे हिसाब दिहुनो हागोन होन्नानै मिजिंथिनाय फोरमायो प्रमद बर’आ। दिनेनि बे गाहाइ खुन्थिया गायसन्नान्य हाबाफारियाव तामुलपुरनि एमएलए जलेन दैमारी, बिटिसिनि एमसिएलए हेमन्त कुमार राभास बारग’ फरायसा जथुम्मानि रायदाव आफादनि मावफुं आफादगिरि नारायन ब्रह्म, फरायसालिनि गोरयुं आरो रायदाव आफादनि गाहाइ नेहाथारि बिभुति डेका, सोद्रोमाफोरा बाहागो लायो। मख’नो गोनांदि, फैगौ २८ आरो २९ जानेवारीआव साननेनि हाबाफारिजॅं बे जथुम्माया खुंजागोन। १९५३ माइथायाव गायसनजानानै आधिखालाव सनाथि माइथा फालिनाय तामुलपुर गोजौसिन गेजेरारि फरायसालिनि बारग’ फरायसा जथुम्मायाव गासै ५ रोजा बारग’ फरायसाफोरखौ ज’ खालामनो थाखाय रायदाव आफादया नाजादों। बे जथुम्माखौ जाफुंसार महरै खुंफुंनो थाखाय बारग’ फरायसाफोरनि मदव–हेफाजाब मोनगोन होन्नानै मिजिंथिनाय फोरमायदों रायदाव आफादनि आफादगिरि प्रमद बर’, मावफुं आफादगिरि नारायन ब्रह्म आरो गाहाइ नेहाथारि बिभुति डेका।□

## राहुल गान्धीनि भारत जोड़ो जात्रानि उनाव बे खेबाव ...

जात्रा खालामगोन कंग्रेसनि दैदेनगिरिफोर। कन्याकुमारनिफ्राय काश्मीरसिम भारत जोड़ो जात्रानि जाफुंसारनायनि उनाव राहुल गान्धीनि नैथि खेब नाजानाय। बे समनि गेजेरावनो राहुल गान्धीआ आसामाव ७ सान थागोन। राहुल गान्धीआ मनिपुरनिफ्राय नागालेण्ड जानानै आमगुरिजॅं आसामाव हाबफैगोन। आसाम गुबुन गुबुन ओन्सोलाव दावबायहैनायनि उनाव राहुल गान्धीआ सोनाब बंग, उडिथ्या, झारखण्डजॉं मुम्बाइसिम थांगोन। बैसागु बोथोराव राहुल गान्धीखौ गोलाव समनि थाखाय आसाम मोननो हागोन होन्ना मिथिानानै आसामनि कंग्रेस दोलॉनि मावथिफोरा रंजाखांदें। राहुल गान्धीखौ आसामाव भुपेन कुमार बरा, गौरब गोन’, देब’ब्रत शइकिया, रंकिबुल हुसेइनजॅं लोगोसे दोलॉनि दैदेनगिरि–मावथिफोरा हेपाजाब होगोन।□

हाथारैआव तेमनाया बुन्दुरामखौ बै जाथाय जानायखौ खोनायो आरो बुडे लाइजामखौ नों नमितानो होथार नगोन होन्नानै बुन्दुरामाबो बुडे जागोन दे आं नाजागोन। तेमनाया हराव गोबां बार लिरदों आरो जायै बायदि मोन्नानै दानफिनदोंबो। जोबथारनायाव बियो लाइजामखौ लिरदों नमितानिसिम आमिं नायग्रोम लांगोना: आंनि आन्जालि विनानाव लाइजामनि गिबि–गिबि नों विनानावनिसिम खासि बिबारफोर बायदि गुफुर बिलाइयाव खोमसि खथायव गंसे मोलेले गाबनि खालिजॉं लिरनाय लाइजाम लोगोसे नॉनि आपेल फिथाय बायदि खावलायाव खनसे खुदुमनाय थाबाय लोगोसे इसोरनि अननायाव दासान्दै मोजाइँनो दऽ जानंगौ ? नमिता मा खालामनो नॉनि बै लाइमोन बैसोआ खालामबाय आंखौ बोरमा। दिने आं नोंखौ जानाय लॉनाय समाव गोसो खांबाय थायो। फरायो आं बिजाब नाथाय हांखोनि बदलै जाखॉंफैयो नमिता नॉनि महरासो साया–माया हरावबो उन्दुलानो हाया। आंदि नोंखौ बेसेबांबा मोजां मोनो नुजेनार्यनिफ्रायनो गोसो गोबॉजॅं। हनाय नऽ आं नोंखौ बावनो बे जोनोमानाव थैयाब्ला। नाथाय बिनानाव नों बे बिथिडव आंखौ मा सानो राजि जगोन्दा नों आंजॅं। जायाब्ला निमाहा गैयै दार्यनि थाखाय निमाहा बिखॉंनाय थायो नमिता। जायोब्ला थार फिनखौ गोखै हर नमिता। आं नोंखौ मोजां मोनो नमिता।

दिनें बारगोलाव खालामला हराबो थौबाय। गोजांनयाबो बोथोर, आखाइयाबो रूयहाबबाय लिरनोबो बाबाय दिनें बेवहायनो फोजोबबाय। जायोब्ला:-

नोंनि तेमना मुसाहारि–

तेमनाया गिबांसि लाइजामखौ लिरखानानै सोबाय खामाव बियो गाबोननि तिउसनय बुन्दुरामनो होगोन थॉंखिया दिनें तेमनानि बेनोल’ गोसोआव सान्दोंबो होनो हागोना हाया। तिउसनाव तेमनाया बुन्दुरामनो होबाय लाइजामखो। नाथाय नमिता दैसो मिथिजोबाय तेमनानि जाथायफोरखौ। नमिताआ बिसोर सानैखौ रागा जॉंफ्लाडे खिन्थायैआव दानिया बुन्दुरामा गंसे बिजाब गलायाव नमितामोन्खौ लोगो हंमदों मानोना दखनाव होयोब्ला मानसिफोरा आन्दसमोना। बुन्दुरामा लाइजामखौ आजायवो आरो सोडे– सोरनि होन्नानै ? बुन्दुरामा फिनो तेमनानि होन्नानै। दिनें तिउसनाव तेमना आरो नमिताया लाजिलायदों नायलाय हरफिनलायाखै तेमनाया सानदों आंखौबा लागोन्ना लाया ओजोंहाय नमितायाबो गिदों

लाइजामावाबो तेमनाया मा लिरदों गोसोआ सानैबो थिउसनाव गैया। नमिताया तिउसनखौ माब्ला गगोन जादों। थानो हाथारला बारा बारा। दसेनि उनाव गयो। नमिताया माब्ला न’ मोन्हैनानै लाइजामखौ फरायनो मोनगोन जादों बियो दिनें लोगोफोरखौनो बावगोमालांदों। बियो न’आव बिजाब दोनस्लाव लायाखैसे सिगां लाइजामखौसो नायग्रोयो। लाइजामखौ फरायखानानै बियो जोबोर गोजोन्नाय मोनदों। बियो गोबोरखौनो सोरगोआवना फातालाव दं आन्दस गैया। बिबदिनो नमितायाबो तेमनानो फिन हरफिनबाय तेमनायाबो दिनें जोबोर दुगा। बिसोरनि मोजां मोनलायनाया जुजायनि अरखि बायदि दुफु–दुफु खामलादों। दिनें तेमनाया नमितायाबो तेमनानि सेराव थानो मोनाब्ला सुखुआ मोनग्रा जाबाय। नाथाय दिनें नमिताजॉं तेमनाया जॅं मोजां मोनलाइदेंब्लाबो नमितानि गांनायखौ तेमनाया सुफुंनो हायाखै। फुजा गान सिनिमा, मिथिं–दावथें जेरावबो जरा–जरा बिसोर सानैआ जुदि बिसोरनि मोजां मोनलायनायखौ सोरबा हेंथा होयोब्ला जे बिसोर थैलायगोन। दिनें बिसोरनि मोजां मोनलाइखौसो लामा बुंनो बुहुमावनो गैया। ओजॉं हाया बुन्दुरामाबो नमिताखौ सिंजॉं सिं जोबोत मोजां मोनखुमानानै दऽ। बुंनो हायैआवसो दऽ। नुनायाव नमिताया प्रिति जिन्ता बायदि। सेंग्राफ्रा नुबेब्ला जायो सिन्था मोननो लुबैनानै। बुन्दुरामाबो नुनाया फिल्थनि एक्टर अर्जुन रामफल बायदि नुयो। दिनें बुन्दुरामा नमितानि थाखाय फार्ला जाबाय। हरबाय बिबो लाइजाम नमितानि हिन्जावफोरनि गोसो मोदायाबो हमनो हाया। बियो थार मोजां मोनबाय बुन्दुरामखौबो सानसे खालि तेमना मोननि गामियाव नमिट बिदानि हाबा बे हाबायाव नमिताया बुन्दुरामजॅं खोमसि खनायाव माबा रायऽलायखुमानायखौ तेमनाया नुदों जाहोनाव तेमनाया रागा। नमिताया तेमनाखौ गारहां–गारहां जाबाय दानिया नमिताआसो जाबाय सानैनिबो सुधुर। नमिताआ बुन्दुरामजॅं लोगो जाब्ला तेमनाया रागा जोडे आरो तेमनाजॅं लोगो जायोब्ला बुन्दुरामा रागा जोडे। जाबाय दिनें तेमनाया जौ फार्ला गोदाव सोराव। बे जोनोमाव जौनि एम्नौ। मदाफि बुन्दुरामा नमितामजॅं दाय खालामना खारबाय दिनें नमिताया बेकार। बियो बै लैथोआव गंनै नाव जावदोंमोन। जायनो नायनो फैयो बेनो नमिताखौ बासिनानै गालाडे। तेमनाया लाभनि केन्सार बेरामाव हाबनानै दिनें जौनि एम्नौ। नमिताया मानसिफोरनि बासिनायाव लाजि मोन्नानै फासि नांना थैयो।□

(□ १ बिलाइनिफ्राय)

## गुवाहाटी नोगोरमानि थाखाय गं २०० एसि गोनां मोब्लिबयारि बास सिबिथायखौ बेखेवबाय

गासै २९५ कौटि रं बाहायदों। गिबि मन्श्रिआ दिनेनि बे हाबाफारियाव अफलाइन आरो अनलाइनि मोन्नैबोनि बिथिडव गोसैलैयै रं होनो थाखाय नेसनेल कमन मबिलिटि कार्ड (एनसिएमसि)नि रहाखौबो जागायजेन्दों। बे बायदि कार्डखौ जागायजेन्नाय आसामआ हादतनि थारमथि रइज्यो। गुबुन फारसैथिं, गिबि मन्श्रिआ दिनेनि बे हाबाफारियाव मोब्लिबयारि गारि चार्जि रहाखौबो बेखेवनाने होयो। बेनि लोब्लायै खुंनाय मेलाव गिबि मन्श्रि ७ शर्मांआ बुडेदि, आधिखालाव मुलुग नाडेनो मोगा–मोगि जानानाय गेदेत खैफोदआ जादों आबाहावा गुबुंले जानाय एबा सोलायनाय। २०२४ माइथायनि गिबि सानावनो गं २०० मोब्लिबयारि बास जागायजेन्नायानो साखोन–सिसखोन, गोथां आरो थाना थानो हाथाव इयुननि फारसै थानाय रइज्यो सरकारनि बिबानखैनो फिन खेबसेबाव रोखा खालामदों। २०२१ माइथायनि २० आगस्टआव खुंनाय रइज्यो सरकारनि केबिनेट जथुमाव गुवाहाटी नोगोरमायाव गं १०० सिएनजि बास ईरो गं २०० मोब्लिबयारि बासखौ सोलिहोनो थॉंखि लानाय जादोंमोन होन्ना मख’नानै बिथाड बुडेदि, बे थॉंखिनि बिथायावनो थंनाय बोसोरनि जानेवारीआव नोगोरमानि राइजोआरि हान्थामेला राहायगं गं १०० सिएनजि बासखौ सोसन्नाय जादोंमोन। बिथाड बुंवावोदि, इयुनयारि थॉंखिजॅं गोदान बोसोरखौ बरायनायनि थॉंखिजॅं रइज्यो सरकार बे खेबावबो जानेवारीनि गिबि सानाव गं २०० मोब्लिबयारि बासनि सिबिथायखौ जागायजेन्दों। बायदि खाबुगोनां बे बासफोरा गुवाहाटी नोगोर आफाद ओन्सोलनि अनगायैबो चन्द्रपुर, धारपुर, मिर्जा, बाइहाता सारिआलि आरो जागिर’ड बायदिजॅं खाथि–खाला ओन्सोलफोरखौ बेखन्ना लाफागोन। बे गारिफोरनि चार्जनि खाबुनि थाखाय रुपनोगो, बेतकुसियाव थानाय रइज्योयारि बास लाखिग्रा थावनि, मिर्जा, बाइहाता सारिआलि आरो जागिर’डआव चार्जि स्ट्रेसन गायसन्नानयनि रहा खालामनाय जादों होन्नानैबो बिथाड बुडे। गुवाहाटी नोगोरमानि राइजोआरि हान्थामेला करहायाव फिन गं २०० मोब्लिबयारि गारि सोसन्नाय जगोन होन्ना मख’नानै ७ शर्मांआ फैगौ २०२५ माइथायनि गेजेराव नोगोरमानि राइजोारि हान्थामेला रहाखौ आबुं महरै मोब्लिबयारि हान्थामेला रहासिम सोलायनो थाखाय रइज्यो सरकार थॉंखि लादों होन्नानै बुडे। बिथाड बुंवावोदि, अट’रिक्साखौ लाफानानै गुबुन हान्थामेला सिबिथायफोरखौ मोब्लिबयारि गारि सिबिथायाव सोलायनायनि खाबुनि थाखाय रइज्यो सरकार बे बायदि गारिनि बिगोमानिसिम साबसिडिजॉं लोगोसे गुबुन गुबुन हेफाजाब होनाय जगोन। बे बायदिनो गुबुन गुबुन जानायायाव गावयारि खोन्दोनि फसंथानआ चार्जि स्ट्रेसन गायसन्नो थाखाय सिगांबोयोब्ला सरकार गोनांथि बादियै हेफाजाब होनो थॉंखि लादों होन्ना मख’नानै बिथाड पेट्रल पाम्पफोरावबो बे बायजि चार्जि स्ट्रेसन गायसन्नायाव गोनांथि होयो। गिबि मन्श्रिआ बुंवावोदि, गाहाइ मन्श्रि नरेन्द्र मदिआ आबहावा सोलायनायखौ होबथानायनि बितिडव भारत हादतल’ नऽ मुलुगुखौनो दैदेन्दों आरो बिथाड २०३० माइथायनि गेजेराव भारतखौ अ–जिबाश्म गोहोखौ ५०० गिगावाटर्सिम बांहोनायजॅं लोगोसे कार्बन इमिसननि बिबांखौ १ बिलियन टन बाइइ खालामनायखौ लाफानानै माखासे थॉंखि आजावदों। भारतआ २०७० माइथायनि गेजेराव लाथिख’ कार्बन इमिसननि थॉंखियाव सहैनो थांगाफिनो दऽ’ होन्नानै बिथाड फोरमायो। गुवाहाटी नोगोरमाजॅं लोगोसे रइज्योनि रइजो–रजाफोरनि जिउ रैखाथिनि फारसै नोजोर होनानै रइज्यो सरकार नोगोरमायाव २ रोजा सिस्ति केमेरा गायसन्नायनि खामानिया गोख्रैयै दवावदां लोको फोरमायनानै ७ शर्मां सोलिफु बोसोरनि गेजेरावनो बे बिथांखिनि खामानिया आबुं खालामनो थाखाय गुवाहाटी स्मार्ट सिटि लिमिटेडखौ खावलायहरो। लोगोसे हान्थामेला निगमआ मोन ५० कन्टेकलेस सिबिथाय जागायजेन्नायनि जाउनाव राइजो–रजाफोरा गोबां खाबु मोन्नो हादों। मटर–गारि सालाननि लाइसेन्स आरो गारिनि फिटनेस सार्टिफिकेटखौ जाहाते राइजो–रजाफोर जिल्ला हान्थामेला बिफाननि मावखुलिस्सिम थाड लासेनो मोन्नो हायो बेनि सायावबो रहा लानो थाखाय हान्थामेला बिफानखौ खावलाहरो। दिनेनि बे हाबाफारियाव मन्श्रि अतुल बरा, चन्द्रमहन पाटवारी, केशब महन्त, रन्जित कुमार दास, अजन्ता नेउग, परिमल सुक्लबैध, अशक सिंहाल, इउ जि ब्रह्म, जगेन महन, डा: रनज पेगु, पियुष हाजरिक, सन्जय ब्रायन, जयन्त मल्ल बरुवा, नन्दिता गार्लसा, एमपि कुइन् अजा, रइज्यो सभानि एमपि आरो गिबि मन्श्रिनि राजखान्थियारि सेक्रेटारि पबित्र मार्घेरिटा, गुवाहाटी नोगोर निगामनि मेयर मृगनि शरनिया, आसाम रइज्योयारि हान्थामेला निगमनि कमिसनार मिसन रन्जन दासजॅं लोगोसे सिफ सेक्रेटारि पबन कुमार बरथाकुर, जर’खा पुलिस बिथोनगिरि गाहाइ हरमित सिंहजॅं लोगोसे माखासे गोजू थाखोनि बिबानगिरिफोराबो बाहागो लायो।□

# एक्टिंग फरायसालिनीफ्राय भिक्की कौशलनि गोजाम भिडिअ 'आ भाइरेल जादों

भिक्की कौशलआ गावनि फाव दिन्थिनाय केरियारआव गोलाव लामा हान्थिबाय। बे समावने, ससेल मिडियाआव बिथानि मोनसे फाव खालामनाया फरायसालिनीफ्राय गोखैयै भाइरेल जागासिनो दड। बे भिडिअ 'आव भिक्की कौशलखौ सिनायनो गोब्राव मोनो। 'साम बाहादुर' सावथुनि फावखुंगुरआ मेघना गुलजारनि दिथाहोनायाव मोनसे मोजां खामानि मावननै गावनि रोंग 'थिखौ फोरमान खालामदों आरु बेनिफ्रायनो गावखौ सिनायथिहोने हाबोंदों। गावनि फाव दिन्थिनाय फरायसालिनि बे गोजाम भिडिअ 'आव भिक्कीखौ गावनि रोंग 'थिखौ अनसायगिरिफोरा बिथानि गोदान महरखौ नुना खुसि जादों। बेयाव भिक्कीखौ सासे अनागार पुलिस सावख 'गिरिनि फाव खालामनाय नुनो मोनो आरु बिथानि बे आखुआव जोबोद मोजाडे' फाव खालामनाय नुनो मोन्दों। नेटिजेन्सफोरा भिक्की कौशलनि महर आरु फाव खालामनायजों जोबोद गोहोम खोखैजादोंमोन। बे भिडिअ 'आव फावखुंगुरनि अनसायगिरिफोरनि गुबुन



गुबुन फिनजाथायफोरखौबो नुनो मोन्या जादों। फावखुंगुरिया केटरिना कैफआ बावैसो रिलिज जानाय सावथुन 'टाइगर 3' आव नुजादोंमोन। बेनि अनगायैबो बिथाड आलिया भाट्ट आरु प्रियंका चप्राजों लोगोसे भिजय सेतुपति-स्टार मेरी क्रिसमास आरु फरहान अखरनि 'जी ले जारा'निबो बाहागो। भिक्की कौशलनि वर्कफ्रन्टनि बाथा बुडोव्ला, बिथानि बावैसो 'साम बाहादुर' आरु 'डंकी' आव नुनो मोननाय जादोंमोन। आथिखालाव बिथाड 'मेरे मेहबुब मेरे सनम' आरु 'छवा' बायदि सावथुनफोर दड।

## अक्षय कुमारआ बड़े मिया छोटे मियानि फावजों फेन्सफोरनिसिम गोदान बोसोरनि हामब्लायथि बाउहरदों

2024 माइथायाव अक्षय कुमारआ माखासे प्रजेक्ट लानानै फैदों। बे बोसोराव बिनि माखासे गोबां सावथुनफोरा रिलिज जानो थाखाय लाइनआव दड। बेफोरनि फारिलाइयाव 'बड़े मिया छोटे मिया'नि मुडबो दंफायो। अक्षय कुमारआ गोदान बोसोरनि खाबुआव सावथुननि गोदान पस्टरखौ लिजिज खालामबाय। अक्षयआ 1 जानेवारिआव गावनि फेन्सफोरनिसिम गोदान बोसोरनि हामब्लायथि बाउहरदों। फावखुंगुरआ बड़े मिया छोटे मियानि फावआव फेन्सफोरनिसिम हामब्लायथि बाउनायखौबो नुनो मोन्दों। अक्षयआ गावनि अफिसियेल ससेल मिडिया एकाउन्टआव बड़े मिया छोटे मियानि गोदान पस्टरखौ शेयार खालामदों। पस्टरआव अक्षय, टाइगर श्रफजों लोगोसे जेट स्कीइं खालामनाय फुल एक्सन मडआव नुनो मोन्दों। अक्षय कुमारआ पस्टनि केप्शनआव गोदान बोसोरनि हामब्लायथि बाउहरनायजों लोगोसे बुंदोंदि, 'गोदान बोसोर फिसा-फिसा गोजोन्नायजों नोंथांमोननि थाखाय जरखा जाथों। बड़े मिया छोटे मियानिफ्राय गोदान बोसोरनि बयनिसिमबो



गोजो न हामब्लायथि बाउहरबाय। थियाटारआव लोगो मोनो थाखाय 2024 नि ईदखौ बुकिं खालामनो मियानि बाथा बुडोव्ला बे सावथुनआ मस्ट अवेटेड सावथुनफोरनि गेजेरावबो

दंफायो। सावथुनआ 2024 आव ईदिनि खाबुआव रिलिज खालामनाय जागोन। बड़े मिया छोटे मियाखौ भासु भगनानी आरु जेकी भगनानीनि प्रडाक्सन हाउस पुजा इन्टारटेन्टमेन्टनि बेनारआव बानायजागासिनो। बड़े मिया छोटे मियाआव गोखों एक्सन सिन नुनो मोनगोन। सावथुननि माखासे कास्टफोरनि बाथा बुडोव्ला, सावथुनआव अक्षय कुमार आरु टाइगर श्रफजों लोगोसे सुनाक्षी सिन्हा, मानुषी छिल्लार आरु अलाया एफआबो दंफायो।

## मुम्बाइआव जन आब्राहमआ 71.8 कौटि रंनि गोदान न' बायदों

बलिउडनि स्टारफोरा गावसोरनि सावथुनजों लोगोसे लाकजार लाइफनि थाखायबो मिबथि जायो। गानिफ्राय लानानै बिसोर सेलेब्रिटीफोरनि न'फोरबो गोबां समाइना जायो। थानाय बोसोराव आनन्याया पान्डेनिफ्राय लानानै प्रिटि जिन्टाजों लोगोसे गोबां सुबुंफोरा मुम्बाइआव गोदान न' बायदोंमोन। बेनिनो गोदान बोसोरनि खाबुआव फावखुंगुर जन आब्राहमआ मुम्बाइनि पार्शे एरिया एबा खारआव गावनि



गोदान न'खौ बायदों। मख'नाय जादोंदि, फावखुंगुरनि बे न'आ खारनि लिंकि रडनि खाथियाव 13,138 बर्ग फुटनि ग्राउन्ड प्लासआव दड। बे प्रपाटिआ प्रभोन नाथलाल शाह एन्ड फेमिलीनिमोन। मख'नो गोनांदि, फावखुंगुरआ 2009

माइथायाव बियो पेटिट स्कुलनि साखाथियाव थानाय मोनसे पेरिस फेमिली रतनशासनि खाथियाव इडनियन पार्कआव मोनसे प्राइम प्लट बायदोंमोन। हिन्दुस्तान टाइम्सनि रिपोर्टनि बायदिब्ला, फावखुंगुरआ 27 डिसेम्बर 2023 आव 71.8 कौटि रंनि एग्रिमेन्टआव साइन खालामदोंमोन। स्टाफ डिडिटीनि जाहोनाव 4.25 कौटि रंनि उफ्रा होनांदोंमोन। जनआ बायनाय हानि एरियाआ 7 रोजा 722 स्कुयार फुट। जाय न'नि एरियाआ 5,416 बर्ग फुट। जननि बे गोदान प्रपाटिआ 372 निर्मल भवनआ मोनसे ग्राउन्ड-प्लास-मोननै थालानि। जन आब्राहमनि वर्कफ्रन्टनि बाथा बुडोव्ला, फावखुंगुरआ शाहरुक खाननि सावथुन 'पठान'आवबो नुनो मोन्दोंमोन। बे सावथुनआव जनआ नेगिटिभ फाव खालामदोंमोन आरु बिनि फाव खालामनायखौ गोबां मोजां मोन्दोंमोन। बेनि अनगायै एक्टरनिआव बे बोसोराव माखासे फे नो गोनां प्रजेक्टसफोरा दड।

## रकुल प्रित सिं आरु जेकी भगनानीआ जुलि जासिगोन

थानाय दानाव माखासे सेलेब्रिटिसफोर आरबाज खाननिफ्राय लानानै रणदीप हड्डुआबो गावनि जिउनि लोगोरिजों जुलि जाबाय। बिसोर सानैनि हाबाया गाव-गावसोरनि मोननै धोरोमनि गेजेराव जादोंमोन। बेनिनो गोदान बोसोरनि खाबुखौ लानानै बलिउडनि सासे मुंदांखा जरानि जुलिनि खौराडाबो सोराडाव फैदों, जाय थाबैनो जुलि जासिगोन। बिसोर सानै फावगिरिफोरानो जाबाय फावखुंगुरजों लोगोसे प्रडिउसार जेकी भगनानी। गोदान बोसोरनि खाबुआव रकुल आरु जेकीनि फेन्सफोरा बे मोजां खौरांखौ मोन्नो हादों। हिन्दुस्तान टाइम्स रिपोर्टनि बायदिब्ला, रकुल आरु जेकीआ फैगो दान एबा 22 फेब्रुवारि, 2024 आव जुलि जासिगोन।



बबेखा नि बिसोर सानै जरानिफ्राय जेबो अफिसियेल खौरां मोन्या जायाखै। रिपोर्टआव फोरमायबावनाय बायदिब्ला बिसोरनि जराया डेस्टिनेशन वेडिं खालामगोन होना मिबथिनो मोन्या जादों। बेनिनो जराया गावसोरनि जुलिनि थाखाय समाइना सहर गवाखौ सायख'दों आरु गवानिनो जिरइडआवनो जुलिखौ खालामगोन। बे सानफोराव बिसोर सानैआ

गोदान बोसोरखौ थाइलेन्डआव फालिनाय नुनो मोन्दों। बेनिनो रकुलआ गावनि इन्सटग्रामआव गावनि सावगारिखौबो शेयार खालामदों, जेराव बिखौ मन'बिकिनीआव पज होनाय नुनो मोन्दों। बिसोर सानैनि मोजां मोनज्जालायनि सल'आल क डाउननिफ्राय जागायजेन्दोंमोन। मख'नो गोनांदि, बिसोर सानै मोजां मोनज्जालायनि सल'आ जरखा लोगोनि गेजेरजों जादोंमोन।

बिनिफ्रायनो बिसोर सानैनि गुबुन सासेजों लोगो हम्मज्जालायनाय आरु बाथा सावरायज्जालायनाय। जागायदोंमोन। बेनिनो 2021 माइथायाव जेकीआ ससेल मिडियाआव गावनि मोजां मोन्याखौ फोरमायना लार्दोंमोन। फावखुंगुरआ गावनि जोनोम सानआव जेकीजों लोगोसे मोनसे पस्ट होना लिरदोंमोन-जेराव बियो गावनि गोसोनि बाथाखौ फोरमायदोंमोन।

## गाहाम देहानि राहा

### सामब्राम गोजा आरु सामब्राम गुफुरनि बिगुरआ जॉनि थाखाय बान्जायजाथाव

सरसनसा सुबुंफोरा फिथाइ-सामथाइ आरु मैंग-थाइगंफोरनिफ्राय मोन्याय मुलाम्फाफोरनि बागे गोबाडनो मिबथिगो। नाथाय नख'राव सानफ्रोमबो बाहायनाय मैंग-थाइगंफोरनि बिगुरनिफ्राय मोन्याय मुलाम्फानि सोमोन्दैयै मिबथिया जानो हागो। सानफ्रोमबो बाहायजानाय सामब्राम गुफुर आरु सामब्राम गोजानि मुलाम्फाखौ एसेब्लाबो मिबथिगो नाथाय बेफोरनि बिगुरनिफ्राय मोन्याय मुलाम्फाखौ गोबाडे नो मिबथिया। फुनिफ्राय लानानै मोनासिमनि बायदि रोखोमनि आदार संनायाव होनानै जानायनि अनगायै गुबुन गुबुन रोखोमैबो सामब्रामखौ जानाय जायो। खायसे सुबुंफोरा सामब्राम गोजाखौ खाजि आरु बाथोनाव होनानै जायो। गोलोम बोथोराव दुहाव बारहावानिफ्राय रैखाथि मोन्यायबो सामब्राम गोजाया बान्जायजाथाव। गोबां सुबुंफोरानो सामब्राम गोजा आरु गुफुरनि बिगुरखौ गारो। नाथाय बिबि खालामनाया गाहाम नड। मानोना बेफोर बिगुरनिफ्रायबो माखासे मुलाम्फाखौ मोन्याय जायो। बेफोर जादों-



1. सामब्राम गोजा आरु गुफुरनि बिगुरखौ आद्रियै गार लानानो दोन्धुमना हासर बानायनो हायो। बे रोखोमनि हासरआ आबादिनि थाखाय मोजां होन्ना गनायजायो। सामब्रामफोरनि बिगुरआव थोजासे बिबानि केलसियाम, आइरन, मेगनेसिम आरु कपारखौ मोन्याय जायो। 2. सामब्राम गोजानि बिगुरजों जॉनि खर'नि खानाया जोंखाडे। सामब्रामनि गोजानि बिगुरखौ दैयाव फुदुंनानै बे दैजों खानायखौ सुयोव्ला, खानाया जोंखाडे। बेनि थाखाय सामब्राम गोजानि बिगुरखौ दैयाव 30 मिनिटनिफ्राय से घन्टासिम गोदोहोना लानांगो, उनाव बे दैखौ गुसु खालामना खर'नि खानायाव फुन्नांगो आरु खर'खौ नालिनांगो। बेबायदि खालामना 30 मिनिट लानायनि उनाव खर'खौ गुसु दैजों सुनांगो। 3. माब्लाबा समाव जॉनि देहानि मोदोम बेदरफोराव सानाय मोनखाडे। बेबायदि जेनाजों गोबां सुबुंफोरानो भुगिनाडे। बे रोखोमनि जेनाखौ जानगार होनो थाखाय सामब्राम गोजानि बिगुरखौ दैयाव 10-15 मिनिट सोमना दोन्नाहै हरनि समान उन्दुनायनि सिगां बे दैखौ लोंनांगो। बेबायदि खालामबाय थायोव्ला मोदोम बेदर सानाय जेनाया जानगार जालाडे। 4. खायसे सुबुंफोरनि देहानि बिगुरव गोबां मानायनि जेना सोमजियो। बेनि थाखाय बायदि रोखोमनि मुलि बाहायोव्लाबो रैखाथि मोन्नो हानायबो जाया। बेबायदि जेनायाव सामब्राम गोजा आरु गुफुरनि बिगुरजों रैहाय मोन्नो हागो। सामब्राम गोजा आरु गुफुरनि बिगुरखौ दैयाव 3-4 घन्टासो सम दैयाव सोमना दोन्नाहै बेखौ मानाय जायाथाव मोजाडे फुन्ना लानांगो। बेबायदि खालामबाय थायोव्ला माखासे साननि उनाव बेनि मुलाम्फाखौ मोन्नो हागोन।

### मेथि बेगरजों उदैनि मेजेम, कलेस्ट्रल, एसिडिटी आरु गुबुन जेनाफोरखौ बाडाइ खालामनो हायो



मेथिखौ जाग्रा आदारनि संग्रा न'आव बायदि रोखोमै सवादखौ बांहोने बाहायो। बेखौ सुबुंफोर मस्ला बायदि बाहायो। नाथाय बेवहाय गोबां गुणफोरखौ मोन्याय जायो। मेथिखौ सुबुंफोर देहानि लिस्थायखौ बी बांहोने थाखायबो जायो। बेयो देहानिफ्राय टक्सनफोरखौ बायजोआव दिहुनो, देहानि इनफलेमेसनखौ बाडाइ खालामो आरु मेटाबलिज्मआबो मोजाडे थायो। मेथिनि बेगरफोराव

मोनसे ओरैबायदि पलिसेकेराइखौ मोन्याय जायो जाय देहानिफ्राय मेजेमखौ बाडाइ खालामनो लेस्थारखौ बाडाइ खालामो। बेनि अनगायै बेयो हौवाफोरनि गेजेराव टेस्टेस्टेसखौ बांहोनानै मिथिगायारि महरै सेक्सखौ बांहोयो।

(1) मेथिनि बेगरआ देहानि मेजेमखौ बाडाइ खालामो। बेनि अनगायैबो संदानायफोराव सोराडाव फैदोंदि, मेथिनि बेगर कलेस्ट्रल लेभेलखौबो बाडाइ खालामो। (2) नोंथांमोनहा

खोनानानै गोमोगोनदि, मेथिखौ नेचुरेल एन्टासिडबो मानिनाय जायो। मोनसे संदानायाव सोराडाव फैखाबायदि मेथिआ बिखा आलौनाय आरु एसिडिटीखौ बाडाइ खालामो।

(3) आयुबेदआव मेथिनि बेगरफोरखौ सेक्स बांहोरा महरैबो मानिनाय जायो। बेवहाय ओरैबायदि कम्पाउडफोरखौ मोन्याय जायो, जाय सेक्स हरमनखौ बानायो।

(4) मेथियाव एन्टिभायरेल गुणजों थायो। बेयो गंगा मोन्याय गुजुनायजों सोमोन्दो गोनां लोक्षोनफोरार रेहाय होयो। बेनि बे गरखौ उन्गिलनानै गरम सुपखौ लोंनो हायो।

( ब ` ख ` ) बाहायनायनि सिगां डक्टोरियाव सुबुरुन ला)।

### लेबुआ देहानि थाखाय मुलाम्फा गोनां जानो हागो

लेबुआ देहानि थाखाय जोबोद मुलाम्फा होयो। स्वादआव गोखै लेबुआव देहानि थाखाय माखासे मुलाम्फा थाखोमानानै थायो। लेबु जानायजों देहानि दोगोन तन्नआ गोखोडै थायो। लोगोसे लेबुनि दै लौनायजों देहानि एकस्ट्रा केलरिआ बार्न जायो आरु लिस्थायखौ खमायहोनायावबो मदद मोनो। आयुबेदिकआवबो लेबुआ मख'जाथाव। आयुबेदिक डा: अबरार मुलतानीनि बादिब्ला, लेबु जानाया देहानि थाखाय माखासे रोखोमनि मुलाम्फा गोनां जानो हागो। बेयाव केलसियाम, पर्टेसियाम, फाइबर बायदि देरहोरा-लावहोरा गुणफोरबो थायो। बेयो एन्टि केन्सार, एन्टि इनफलेमेटरि आरु एन्टि माइक्रुबाइल गुणफोरजोंबो दाजानाय, जाय थैखौ गोमो खालामो। (1) दोगोन तन्नआ गोखोडै थायो: लेबुआव देहानि थाखाय माखासे दुंबुद दैआव लेबु होनानै उदै खालिआव लौनांगो। बेयाव चायससे बेरे मोदोबो होनो हागोन। बेजों सानसे गोखोडै



तन्नआ गोखोडै थायो। लेबुनि दै लौनायजों देहानि उफ्रा केलरिआ बार्न जायो आरु लिस्थाय खमायनायावबो मदद मोनो। (2) सिथरफोरखौ जानगार खालामो: लेबुआ देहानि थाखायबो जोबोद मुलाम्फा गोनां। लेबुनि बेगरआव एन्टिबेक्टेरिएल थायो, जाय मोखाडाव जानाय सिथर-सिलाफोरखौ जानगार खालामनायनि खामानि मावो। (3) लिस्थायखौ बाडाइ खालामो: बेलि फेट आरु लिस्थायखौ बाडाइ खालामनो थाखाय सानफ्रोमबो फुडाव गिलाससे दुंबुद दैआव लेबु होनानै उदै खालिआव लौनांगो। बेयाव चायससे बेरे मोदोबो होनो हागोन। बेजों सानसे गोखोडै

थानो हागोन। (4) सुगार गोनांफोरनि थाखाय मुलाम्फा गोनां: हाइ सुगार बेरामिफोरनि थाखाय लेबुनि दैया मोनसे सावसिन रहा। जर'खायै बेसोरनि थाखाय जायफोरा डायैभिटिसनि बेरामिफोर आरु जायफोरा लिस्थायखौ खमायनो लुबैयो। बेजों देहाया एनांभिबो मोनो। (5) उदै सानायनिफ्राय रेहाय मोनो: लेबुनि ससआव एसे हाइजें होनानै लौनायजों उदै सानायनिफ्राय रेहाय मोनो। मैंग-थाइगंफोर आरु दालिफोरव लेबु होनानै जानायजों मैंग-थाइगंफोरनि स्वाद आरु देरहोरा-लावहोरा गुणआव जौगाखाडे। बेजों डिशेजखौ थाबैनो दोगोन खालामनायावबो मदद मोनो।

## गोदान बोसोरनि गिबि सानाव हामासआ इज्राइलआव रकेटजों गाग्लोबदों



**गोदान दिल्ली, 1 जानेवारी:** थांनाय 27 अक्टबरखालि इज्राइलआ गाजायाव मोनसे गोखों हासा गाग्लोबनायखौ जागायदोंमोन। बेनिफ्रायनो दासिमबो इज्राइल-गाजानि दावहाया सोलिंगासिनो दड, जेराव सा 21,822 फिलिस्ताइनफोरनि जिउ गोमाबाय। बिसोरनि गेजेराव बांसिनानो उन्दै आरो आइजोफोर। फारसेथिं 56,451 निबो बांसिन फिलिस्तानीफोरा जोखोम जानांबाय। अतिथखालाव फारसेथिंजायनिफ्रायबो अख्रांजों गाग्लोबनाया सोलिंगासिनो

दड। बे दावहायाव गोबां सम्पतिफोरा ख'हा जाबाय। नाथाय दावहाया दोन्थ'जानायनि फारसे एसेबो दिंग्रायाखै। इज्राइल-हामास दावहाया दोन्थ'जानायनि जेबो आसाखौनो नुनो मोन्नाय जायाखै। बेनि गेजेराव सम्बार फुंनि समाव इज्राइलआव मोन 20 रकेट गावहरनायनि खौरां मोन्नाय जादों। अदेबानि बेयाव रावनिबो जिउ गोमानायनि खौरां मोनाखै। हामासआ बे रकेटजों गाग्लोबनायनि बिबानखौ गनायना लादों आरो बुंदोंदि, गावसिन अल-कसम ब्रिगेडआ बे रकेटखौ गावदों। मोनसे

टेलिग्राम पस्टआव हामासआ बुंदोंदि, बे समाव अल-कसम ब्रिगेडआ नोगोरारिफोरनि हेँथायै बुथागलुंनयनि फिनजाथाइ होनातै तेल अभिब सहर आरो बेनि बाइजो ओन्सोलफोरग एम 90 रकेटजों बमा गावहरदों। गाजानि सिमना ओन्सोल आरो बेट याम आरो हलनजों लोगोसे गेजेर इज्राइलआव रकेटनि एलाम होनाय जादों। अदेबानि बे गाग्लोबनायखौ लानानै तेल अभिबआव साइने एबा एलाम होनाय जायाखै। मख'जाथावदि, थानाय बोसोरनि 7 अक्टबरव हामासआ इज्राइलआव हाबहेनानै गोखों गुलि गावगलुंनयनो आरो

हामासनि अतखारिफोरा लोगोआव सा 200 निबो बांसिन सुबुंफोरखौ बे'खनाव लाबोफादोंमोन। बे गाग्लोबनायाव सा 1200 इज्राइलनि सुबुंफोरनि जिउ गोमादोंमोन। बेनि उनाव खिथेर लानानै इज्राइलआ 27 अक्टबरखालि गाजायाव मोनसे हासा गाग्लोबनायखौ जागायो। बेनिफ्रायनो हासा आरो अख्रांजों दासिमबो इज्राइलआ गाग्लोबनायसिनो दड। बे दावहायाव 21,822 फिलिस्तानीफोरनि जिउ गोमानायनि खौरां मोन्नाय जादों।

## पाकिस्तानाव गोदान बोसोरखौ गुलि गावगलुंनया बरायदों



**काराचि, 1 जानेवारी:** दिने इराजी गोदान बोसोर 2024 आ हाबजेनबाय आरो मुलुगनि गोबां हादरफोरवनो गोदान बोसोरखौ रंजानाय आरो दोहों गोनां दिन्थिफुंनयजों बरायदों। नाथाय पाकिस्तानाव गोदान बोसोरखौ गुलि गावगलुंनयने बरायदों। गोदान बोसोर हाबनायनि

रंजानाय समावनो पाकिस्ताननि गुबुन गुबुन जायगायाव गुलि गावनाय जाथाय सोमजिदों, जेराव सा 11 सुबुंफोरा गोब्राब जोखोम जायो। पाकिस्ताननि खौरां बिजोंआव फोसावनाय खौरांफोरनि बायदिल्ला, गोदान बोसोरखौ बरायनाय समाव गुलि गावगलुंनया जेंना गोनां

थासासि सोमजिहोग्राफोरनो काराचि पुलिसआ के स सालायगोन होन्ना गोखों सांग'थिं होदों। पुलिस बिबानगिरिफोरनि बायदिल्ला, बहादुरबादआव बारहावायाव गुलि गावनाय जाथायाव 7 बोसोर बैसोनि सासे गथ'आ जोखोम जायो। फारसेथिं

गुलि गावनाय जाथायखौ होबथानो थाखाय सिग्रोमनाय हाबाफारि लानाय, हाथाइ बाजार आरो मसजिदफोराव बिथोनमा फोसावनाय आरो सशेल मिडियाआव गोखों पुलिसनि आइनफोरखौ बा'होनायनि गोनांथिनि सायावबो नोजेर होदों।

## एलजिआ सुबुंनि स्वामानि मावग्रा गोदान एआइ रबर्ट बानायदों

**गोदान दिल्ली, 1 जानेवारी:** खोला करियानि इलेक्ट्रनिक कम्पनी एलजिआ आधिखालाव स्मार्ट फन बानायलिया। नाथाय सम सम बेनि गोदान गेजेटफोरा ओंखारो बावैसो सिगाडाव एलजिआ सिइएस 2024 आव जरखा रोखोमनि रबर्ट लानानै फेदों। जायनि मुंखौ एआइ रबर्ट दोन्नाय जादों। एलजिनिफ्राय बुंनय जादोंदि, एआइ रबर्टआव माल्टि मडेल टेक्निकखौ बाहायनाय जादों बेयो सुबुंफोर बायदि गोबां रोखोमनि खामानि मावनो हायो। एआइ रबर्टआ दाबसेनिफ्राय गुबुन दाबसे जायगायाव गोरलैयैनो दोरोद लानो हायो। बे रबर्टजों नख रनि



खामानिखौबो मावनो हागोन। एआइ रबर्टआ सावगारिखौबो सिनायथिनो हागौ आरो बिथोन होनायखौ गोरलैयैनो बुजिनो हायो। रबर्टआव क्वालकमआ जौगाखांहोनाय टेक्नलजिखौ

होनाय जादों। बेयाव होनाय सेन्सारआ न'नि एयार क्वालिटि आरो बिर्दुनि बागैबो मिथिहोने हायो। बे रबर्टनि डिजाइनआ नुनायाव जोबोर आलादा। एआइ रबर्टआ सुबुडा दिन्थिनाय

एमसनखौबो बुजिनो हागौ आरो मुभिमनि गेजेरजों इमसननि फिन्नायबो होनो नाजायो। बे रबर्टआ स्किउरिटि गार्डनि जायगायाव खामानि मावनो हागौ।

## पाकिस्ताननि जेइउआइ-एफनि गाहाइ मौलाना रेहमाननि गारियाव गाग्लोबदों

**काराचि, 1 जानेवारी:** पाकिस्ताननि राजखान्थियारि आफाद जामियत उलेमा-ए-इस्लाम-फजल (जेइउआइ-एफ) नि गाहाइ मौलाना पजसु रेहमाननि गारियाव दुथांफोरा गाग्लोबदों। खैबर पखुनख्वानि देरा इस्माइल खानआव गाग्लोबदों। खौरांनि बायदिल्ला, पार्थिनि बुंथिगिरि मुत्ती अबररआ फोरसायदोंदि, मौलाना रेहमाननि गारियाव फारफ्रोमथिनिफ्रायनो गाग्लोबदों। नाथाय बे जाथायाव मौलानाया रैखाथियैनो बारा'नो हादों। फारसेथिं मौलाना रेहमाननि फंबाइआ बिथानि सायाव गाग्लोबनाय बाश्राखौ नेवसिदों। मानोना बिन बुंनय बायदिल्ला, बे समाव



मौलानाया न'आवनो दडमोन। जाथाय जानाय समाव गारिया यारिक इन्टारसेन्सनि साखाथियाव थाव सोनो थाखाय लाखि हैदोंमोन। मख'जाथावदि, जेइउआइ-

एफनि गाहाइ मौलानानि गले-गले गावनि रैखाथिखौ लाना जिंगा फोरसायनायनि उनावनो गाग्लोबनाय जाथाय सोमजिदों। गुबुन गुबुन खाबुआव बिथाडा खैबर

पखुनख्वा राज्जोननि माखासे बाहागोफोराव दिदोमथि गैयै रैखाथिनि जाहोनाव बिसायख'थि खुंनो हानायनि सायाव सन्देह गोनां बाश्रा बुंदों आरो बाश्रा फोरसायदों।

## आमेरिका आरो खोला करियाखौ गोनांथि जायोब्ला फोजोबस्रांनो किम जं उनआ बिथोन होदों



**सियल, 1 जानेवारी:** सा करियानि दैदेनगिरि किम जं उनआ गावनि सांथिफोरनो गोखों बिथोन होदों। बिथाडा बुंदोंदि, आमेरिका आरो खोला करियाआ गावसिनि हेँथायै थुनन्त्यानो नाजायोब्ला बिसोरनि मुंखौबो फोजोबस्रांनो गोन। सरकारि मिडियाआ बे खौरांखौ समबाव मिबथिहोदों। मख'जाथावदि, गोदान बोसोर 2024 नि नभेम्बरआव खुंजानो गोनां आमेरिकानि हादरगिरि

बिसायख'थिनि सिगां सिगां सा करियाआ हाथियारफोरनि आन्जाद नायनायखौ गोखोंसिन खालामनो हागौ। थांनाय सप्ताहयाव खुंनय खुंथायाव थानाय राजखान्थि दोलोनि सानबानि हाबाफारिजों खुंनय जथुमायाव किम जंआ बुंदोंदि, गावसोर बे बोसोरव आरोबाव मोनथाम संगालि सेटेलाइटफोरखौ आन्जाद नायगोन। बेनि अनगायै गुन्नासा हाथियारफोरखौ बानायगोन आरो गोखों गाग्लोबरा डूनफोरखौबो

थियारि खालामगोन। जरखागिरिफोरनि बुंनय बायदिल्ला, सा करियानि बेबायदि नाजानाया इउनाव आमेरिकानि सायाव सोलो खान्थियारि नारसिन्थाय होनायनि थाखाय जागोन। सांथिनि कामानिडिं बिबानगिरिफोरजों रबिबारखालि खालामनाय जथुमायाव हादरगिरि किम जंआ हादरनि गुन्नासा हाथियारफोरनि लोब्बायै बुडोदि, माहारियायि रैखाथिनि थाखाय बयनिखुडुबो बेसेनगोसासिन हाथियारखौ थियारि

लाखिनाया गोनांथार। मावख'थारि करियान सेन्टेल निउस एजेन्सि (केसिएनए) नि बायदिल्ला, किम जंआ बे बाश्रानि सायाव बांसिनै नोजेर होदोंदि, जुदि आमेरिका आरो खोला करियाआ गावसिनि हेँथायै थुनन्त्यानयनि हाबाफारि मावोब्ला गावसिनि सांथिया जेबो बेले बेजे खालामा जासे गावसिनि गासैबो गाहाइ जोन्थोरफोरखौ जुथाइनानै बिसोरखौ आबुडे फोजोबनायनि थाखाय फिनजाथाइ होनातै गाग्लोबनांगौ। समबारखालि गोदान बोसोरनि खुब बिबुंथि होनाय समाव खोला करियानि हादरगिरि युं शुख येअलआ बुंदोंदि, बियो सा करियानि गुन्नासाखौ बाहायनायनि फिन्नायाव गावनि सांथिनि आगुनि बायदि गोखों हस्थाल, मिहाइल'रैखाथि आरो फिनजाथाइ होना नाइबिजरायना गोहोफोरखौ गोखों खालामगोन।

## लाल चौकनिफ्राय मानालिसिम दाबायारिफोरा गोबां होंगो दोंगो जादों

**गोदान दिल्ली, 1 जानेवारी:** इराजी गोदान बोसोरखौ बरायनायाव सा भारतनि हाजोआ दावबायारिफोरजों बुंफवदों। जम्मु-काश्मीरआव हादर नाडै निफ्राय सौहैनाय दावबायारिफोरनि अनगायै बिमा बैण्य देभिनि आशिबाद लानो थांनाय सिबिब्यारिफोरजों सोरगिदिं बुंफवदों। श्रिनगरनि जारिमिनारि लाल चौकआव गोदान बोसोरनि रंजाथाइ फालिनायनि थाखाय गिबि खेब सरासनस्त्रा सुबुंफोरनिफ्राय लानानै गोखों होंगो दोंगो जादों। उत्तराखान्डनि मसुरि, धनल्टी, कौसाणि, औली, लेन्सडन, कानाटाल, अलमरा आरो



रानिकेटआव गोबां अनजिमानि दावबारिफोरा गोदान बोसोरनि रंजाथाइ फालिनो सौहैदों। अदेबानि नैनितालआव आसा खालामनाय बादिदैयै दावबायारिफोरा सौहैयाखै। फारसेथिं हिमाचल प्रदेशनि दावबायग्रा जायगाफोराव

सानैयावनो 3.75 लाखनिबो बांसिन दावबायारिफोर सौहैदों। गोदान बोसोरनि खाबुआव बिमा बैण्य देभिनि बोर लानो थाखाय खतरनिफ्राय बिमानि मन्दिरसिम लैहोर लैहोर दावबारिफोरखौ नुनो मोन्दों। थांनाय बोसोरनि रुजुनायाव

देग्लाइ दासिमाव 1,94,000 निबो बांसिन दावबायारिफोर मन्दिरसिम सौहैदों। लाल चौकआव गिबि खेब इराजी गोदान बोसोरनि रंजाथाइ फालिनाया काश्मीरनि जारिमिन सोरजिनाया गिबि खेब थिसन जादों।

## निउ यारनि समाव बोथोर बिफानआ खुवानि रेड एलार्ट फोसावदों

**गोदान दिल्ली, 1 जानेवारी:** दिल्ली, उत्तर प्रदेश बिहार आरो राजस्तानजों लोगोसे हादरनि माखासे बाहागोफोराव बोथोरनि गोजांनाया बांसिन जाबोदों। गोदान बोसोर हाबजेनायावनो बोथोर बिफानआ रोजा खुवानि रेड एलार्ट फोसावदों। आइएमडिआ रबिबारआव फोसावनाय बायदिल्ला, सा-सोनाब आरो गेजेर भारतनि हायेन ओन्सोनफोरनि गुबुन गुबुन बाहागोआव जोबोर रोजा खुवा खुगोन। बेनिफ्राय फैनो



गोनां सानैसोनि गेजेराव सान्जा भारतसिम खुवा खुगोन। बोथोर बिफाननि हमदांनाय बायदिल्ला, फैनो गोनां सानाव पान्जाब, हरियाणा, उत्तर प्रदेश

आरो सा राजस्ताननि माखासे बाहागोफोराव बोथोर जोबोर गुसु जानो हागौ। जायजों सुबुंफोरा माखासे जेंनायावबो गोग्लैनो हागौ। माखासे

ओन्सोलफोराव जोबोर रोजासिन खुवा खुनायनि आसा दड। राजस्तान आरो अत्तराखान्डनि गुबुन गुबुन बाहागोफोराव फैनो गोनां सान 3 सिम सुबुंफोरा रोजा खुवाजों मोगा मोगि जानांगोन। सोनाब बंग, सिक्किम, बिहार, झारकाण्ड, उरिष्या, आसाम, मेघालय नागालेण्ड, मणिपुर, मिजराम आरो त्रिपुरायावबो सान 3 सिम रोजा खुवा खुगोन होन्ना बोथोर बिफानआ मिथिहोदों।

## नेसनेल वेटलिफ्ट मुथुपान्डीआ नेसनेल रेकर्डजों सनानि मेडेल देरहादों

गोदान दिल्ली, 1 जानुवारी: रेलवेनि मुथुपान्डी राजाया गोदान नेसनेल रेकर्ड बानायदों आरो नेसनेल वेटलिफ्ट चैम्पियनशिपआव 61 लिखाइ केटेगरिआव सनानि मेडेल देरहादों। बिथाड सर्भिसेजनि गुरु राजा पुजारिखौ फेजेन्दों, जाय कमनवेलथ गोम्सआव खेबनै मेडेल (रुपा आरो ब्रन्ज) देरहादोंमोन। एम राजाया गासै 279 किल'ग्रामजों नेसनेल रेकर्ड दैखादों। बिथाड बे लिखाइ केटेगरियाव शुभमजों थिसनजानाय 272 किल'ग्रामनि रेकर्डखौ सिफायदों। गुरु राजाया 273 किल'ग्राम दैखादों। 61 लिखाइ केटेगरिआव, सोलिफु चैम्पियन एम राजा आरो गुरु राजानि गेजेराव आरोबाव मोनसे बादायलायनाय जादोंमोन। एम राजाया स्नेचआव 121 किल'ग्राम आरो क्लिन एन्ड जार्क'आव 158 किल'ग्राम दैखादोंमोन। बिथाड क्लिन एन्ड जार्क'आवबो मोनसे हायुआरि रेकर्ड थिसन्दों। गल्ड



क'स्ट कमनवेलथ गोम्स आव ब्रैथि मासि आवग्रिनो हानाय एम राजाया गुरु राजाखौ फेजेनानै 2019 आरो 2022 मायथाइनि नेसनेल चैम्पियनशिपआव सनानि मेडेल देरहादोंमोन। गुरु राजाया स्नेचआव 121 किल'ग्राम आरो क्लिन एन्ड जार्क'आव 152 किल'ग्राम दैखादों। अरुणाचल प्रदेशनि शंकर लापुड 271 किल'ग्राम (121+150) लिफ्टजों ब्रन्ज मेडेल देरहादों आरो बे लिखाइ

केटेगरिनि जुनियर केटेगरिआव तामिलनाडुनि एस मुथ्यामनियान (255) आ सनानि मेडेल देरहादों। बे राइज्योनिनो रुद्रेश्वर (252) आ रुपानि मेडेल आरो अरुणाचलनि चेरा तानिया (241) आ ब्रन्जनि मेडेल देरहादों। एखे लिखाइनिनो इउथ केटेगरिआव महाराष्ट्रनि अनुष लखंडे (233) आ सना, उडिशानि सदानन्द बारिहा (233) आ रुपा आरो मध्य प्रदेशनि सुमित राजपुतआ

(233) ब्रन्ज मेडेल देरहादों हादों। आइजोफोरनि 45 लिखाइ केटेगरिआव रेलवेनि दीपाली गुरसालेआ 160 किल'ग्राम लिफ्टजों सनानि मेडेल देरहादों। बिथाडजोआ बंगलनि चन्द्रिका तरफदार (158) खौ फेजेन्दों, जाय 2012 मायथाइनाय वल्ड इउथ वेटलिफ्ट'आव बान्था देरहादोंमोन। चन्द्रिकाया इन्टर-स्टेट केटेगरिआव सनानि मेडेल देरहादोंमोन।

## वल्ड काप देरहानाय केप्टेन मेसिनो आर्जेन्टिनाया मोनसे गिदिर बान्थाजों मान होगोन

बिउन्स एरिस, 1 डिसेम्बर: आर्जेन्टिनाया गावसोरनि टीमनि जोलुर केप्टेन लियनेल मेसिखौ गिदिर बान्थाजों मान होनो थिरांथा लादों। मेसिआ 2022 माइथायाव वल्ड कापनि बिमुं देरहादोंमोन, जायनि जाउनाव बिथानि टीमा मेसिखौ मान होनायजों इयुनाव मेसिनि 10 नं जासौं गानहोनाय नंला। आर्जेन्टिना फुटबल एस'सिएशनआ हायुआरि हान्जायाव 10 नं जासौंखौ आजिरा लानो थिरांथा लादों। मेसिनि केप्टेन सामलायनायाव आर्जेन्टिनानि हान्जाया कातारआव गेलेंनाय वल्ड कापनि फाइनालाव मोननाय पेनाल्टी शूटआउटआव फ्रान्सखौ फेजेन्दोंमोन। जेब्ला मेसिआ हायुआरि हान्जायाव आजिरा लागोन अब्ला रावखौबो बिथानि उनाव 10 नम्बरनि जासौं गानो गनायथि होनाय नंला। बेनि सायाव आर्जेन्टिना फुटबल आफादनि आफादगिरि



क्लाउडियआ बुंदों। बिथानि सन्मानाव 10 नम्बरनि जासौंआ अरायनि थाखाय आजिरा मोनसिगोन। मेसिआ 2 बोसोरनि गेजेराव आर्जेन्टिनानि थाखाय मोनथाम बिमुं देरहादों। बिथाड क'पा आमेरिका 2021 खौ देरहाखानायनि उनाव 2022 माइथायाव वल्ड कापनि बिमुं देरहादोंमोन। मख'नो गोनादि, गोबाडनो सन्देह खालामदोंमोनदि बिथाड 2014 माइथायनि वल्ड कापनि

फाइनालाव जार्मानिजों जेनाय आरो क'पा आमेरिकायाव चिलीनि हेंथायै जनायनि उनाव आरोबाव गेलेनाय नड। बिथाड 2016 माइथायावबो आजिरा लादोंमोन नाथाय उनाव फे'फिनदोंमोन। लियनेल स्केल'नीआ कच जाखानायनि उनाव हान्जानि दिन्थिफुनाया नायथावना जासिनदोंमोन आरो मोनथाम बिमुं देरहादोंमोन। वल्ड कापआव सौदी आरबनि हेंथायै ग्रुप मेचआव जनायनि

उनाव अर्जेन्टिनाया मोजाडै फैफिनो आरो वल्ड कापखौ देरहायो। मेसिआ आर्जेन्टिनानि थाखाय 180 मेचफोराव 106 गाल सोनो हादोंमोन। 2026 माइथायाव वल्ड काप जागायजनायसिम मेसिनि इयुना केरियारआ सन्देहआव दड। मानोना बिथाड 2024 माइथायाव नैथि खेबनि थाखाय अर्जेन्टिनानि थाखाय कपा अमेरिका टूफो देरहाना आजिरा लानो हागो।

## डेभिस कापनि थाखाय एआइटिएआ पाकिस्तानसिम दावबायनायनि थाखाय क्लियारेन्स मोनगोननि मिर्जिथि लादों



गोदान दिल्ली, 1 जानुवारी: भारतनि हान्जाया जानो गोनां डेभिस काप टेनिस टूर्नामेन्टनि थाखाय पाकिस्तानसिम दावबायनो गनायथि मोनगोनखौ मिर्जिथि लादों। अल इन्डिया टेनिस एस'सिएशन (एआइटिए) आ बे फोरमायथिखौ होदों। अल इन्डिया टेनिस एस'सिएशन (एआइटिए) आ बावैसो सान

सिगां गेलेमु बिफाननिफ्राय फेगौ 3 आरो 4 फे'बुवारियाव पाकिस्तानाव जानो गोनां वल्ड ग्रुप-1 प्लेअफनि थाखाय मोनसे हान्जा दैथायहरनो हागोन एवा हायैनि सायाव रोखा फिनाय बिदोंमोन। एआइटिएनि गाहाय नेहाथारि अनिल धुपारआ दासिम लिरनाय महराव गनायथि मोनैखौ फोरमायनानै थाबैनो मोनगोननि मिर्जिथि

होदों। लोगोसे गेलेमु मन्थि बिफाना बायजो हायुआरि आरो नखर मन्थि बिफाननो खवलायहरनायखौ फोरमायनानै आरो बिसोरनि बिबुंथिनि उनावसो जोबथा थिरांथा लानाय जागोनखौ रोखा खालामदों आरो थाबैनो गनायथि मोनगोन होनना मिर्जिथि होदों। बिथाड चलेन्ज आरो दावबायनायनि थाखाय थाखथियायि

खालामगासिनो थानायखौ मिथिहोदों। बे समावनो, पाकिस्तान टेनिस फेडरेशनआ (पिटिएफ) इस्लामाबादआव डेभिस काप टाइआव भारतायि गेले गिरिफोर आरो मावख'आरिफोरनि बाहागो लानायनि जोबथा रोखा खालामनायखौ नेगासिनो दं होन्ना फोरमायदों। पिटिएफनि आफादगिरि सालिम सैफुल्लाआ एआइटिएनिफ्राय गावसोरनि भिजानि थाखाय सा 11 मावख'आरिफोर आरो सा 7 गेले गिरिफोरनि मोनसे फारिलाइ दैथायहरनायखौ मिथिहोदों। लोगोसे बिसोरनि सौफैनायनि खोरंखौ नेगासिनो दं होन्ना फोरमायहरदों। एआइटिएआ गावसोरनिफ्राय सरकारनिफ्राय पाकिस्तान दावबायनो थाखाय गनायथि मोन्नायनि उनावसो रोखा खालामगोन फोरमायदों।

## स्टार गेलेगिरि राफेल नाडालआ 2024 माइथायाव कर्टआव ओंखारफिन्नो थियारियाव



बेयो मिनिथावनादि आं दिने प्रेक्टिसनि उनाव आनि टीमजों रायज्जायदोंमोन आरो बेयाव नाडालआ मोजाडैगेलेदोंमोन। रुनेआ नाडालजों फोरोंथाय समखौ जरखा फोरमायदों आरो बेखौ थानाय खवसे बोसोराव गावनि बयनिखुइ साबसिन प्रेक्टिसमोन होन्ना फोरमायदों। जुदि नाडालआ टीमखौ फेजेन्डो हायो, अब्ला बिथाड अस्ट्रेलियानि जेसन कुबलर आरो रासियानि असलान करातसेवनि गेजेराव नैथि राउन्डआव देरहागिरिजों मोगा-मोगि जानां गोन। मख'नो गोनादि, नाडालआ क्रएशियानि मारिन सिलिक, कानाडानि डेनिस शापभालोभ आरो मिल'स राभनिक, आमेरिकानि रेली अपेल्ला आरो चेक रिपब्लिकनि जिरी वषेसेलीजों लोगोसे रैखाथि गोनां रेंकिन थाखाय 2023 मायथाइनि अस्ट्रेलियानि अपेनआवबो बाहागो लागोन।

पेरिस, 1 डिसेम्बर: टेनिस स्टार राफेल नाडालआ जखमनि उनाव कर्टआव ओंखारफिन्नो थियारियाव फेदों। हल्यार रुनेआ बिथानिजों सोलेंथाय लानाय महरै नाडालखौ गोखोडैफैफिनायनि थाखाय थियारि जानायाव फोथायनाय लाखिदों। मुलुगनि 8थि नम्बरनि रुनेआ बुंदोंदि, नाडालखौ प्रेक्टिसनि समाव मोजाडै गेलेगासिनो थानायखौ नुनानै गावनि गोसोयाव फोथायनाय लाखिदों। खेब 22 ग्रेन्ड स्लेम चैम्पियन राफेल

नाडालआ बोसोरसेनि थाखाय जानगारनायनि उनाव कर्टआव फे'फिन्नो थियारियाव दड। रुनेआ नाडालखौ अस्ट्रेलियायाव ब्रिस्बेन इन्टरनेशनलआव गोखोडैफिन्नाय होफिनगोननि मिर्जिथिदों। नाडालआ 2023 मायथाइनि अस्ट्रेलियानि अपेननि नैथि राउन्डआव मैकेन्जी मैकडनाल्डजों जेनायनि उनाव मोनबो रोखोमनि बादायलु टेनिस गेलेयाखे। फिट जानो थाखाय नाडालआ प्रान्स अपेन, इउएस अपेन आरो

उइम्बल्डनआव बाहागो लायाखैमोन। बे समाव बिथाड 20 बोसोराव गिबि खेबनि थाखाय टप 100 निफ्राय जानगारनां दोंमोन। रुनेआ ब्रिस्बेन इन्टरनेशनलनि सिगां नाडालजों सोलेंथाय लादोंमोन आरो बिथाड दिन्थिनाय गेलेनायजों गोहोम खोखलै जादोंमोन। ब्रिस्बेन इन्टरनेशनलआव नाडालआ गावनि गिबि मेचखौ 2 जानुवारियाव ड'मिनिक टीमनि हेंथायै गेलेगोन। रुनेआ बुंदोंदि,

## सभिताया अलिम्पिक क्वालिफायरनि थाखाय भारतयारि आइजो हकी टीमनि केप्टेन जागोन

गोदान दिल्ली, 1 जानुवारी: गलकिपार सभिता पुनियाआ फे'गौ 13 निफ्राय 19 जानुवारिसिमाव रान्चीआव जानो गोनां अलिम्पिक क्वालिफायरआव भारतनि सा 18 सोदोमायारि आइजो हकी टीमखौ दैदेनगोन, जेराव भन्दना कटारियाया बिथानि लेडइ बिबानाव थागोन। टूर्नामेन्टनि टप-3 हान्जाया 2024 मायथाइनि पेरिस अलिम्पिकनि थाखाय क्वालिफाइ जागोन। भारतायि आइजो हान्जानि गाहाइ कच यानेके शपमेनआ मोनसे फोसावलाइआव बुंदोंदि, एफआइएच अलिम्पिक क्वालिफायरआ पेरिस अलिम्पिककसिम गावसोरनि दावबायनायाव मोनसे गोनांथार टूर्नामेन्ट जागोन। मानोना



बिथाड बे टूर्नामेन्टआव गावसोरनि गाहाइ थांखिखौ मोनहैनायाव सौहैगोनखौ मिर्जिथि लादों आरो अलिम्पिकनि थाखाय क्वालिफाइ जाहैगोननि मिर्जिथिदों। गोबां सान्नाय आरो

सावरायनायनि उनाव बिथाड गावसोरनिफ्राय मोनसे समाथि हान्जा सायख'नायखौ मिथिहोदों। सभिता आरो भन्दनाया गावसोरनि केरियारआव गोबां खेब मेच गेलेखांबाय। बिथाड

गुबुनफोरखौ केप्टेन आरो लेडइ-केप्टेन महरै लामा दिन्थिनो हायो। सभिताया बावैसो सिगां एफआइएच गलकिपार अफ दा इयार बान्था देरहादोंमोन, जेराव भन्दनाया खेब 300 गेजेर हायुआरि मेच गेलेनाय गिबिसिन भारतायि आइजो जानो हादों। भारतखौ पुल बीआव निउजिलेन्ड, इटाली आरो आमेरिकाजों लोगोसे दोन्नाय जादों, जेराव जार्मानि, जापान, चिली आरो चेक रिपब्लिकआ गुप एआव दं। भारताया गावसोरनि गिबि मेचखौ 13 जानुवारियाव आमेरिकानि हेंथायै गेलेगोन। बेनि उनाव 14 जानुवारियाव निउजिलेन्ड आरो 16 जानुवारियाव इटलीनि हेंथायै गेलेगोन।

## भारतीय रेसलारफोरा अलिम्पिकखौ नोजोर लारिखदों, बजरंगआ गेलेमु बिफान हाबाफारिखौ जागायफिन्नो खावलायदों

गोदान दिल्ली, 1 डिसेम्बर: थांनाय बोसोर आरो आथिखालावबो भारतआव रेसलिंग गोबां सावरायजागासिनो दं। बबेखानि, बेफोर सावरायजानाया मोजां जाहोनफोरनि थाखाय नडमोन मानोना रेसलारफोरनि धर्ना आरो रेसलिंग आफादनि आफादगिरिनि बेरेखायै अजद होनायनि जाहोनाव गोबां बेले-बेजे थासारिजों समा बारलांबाय। रेसलिंग गौथुमखौ फिन खेबसेवाव बेन्ड खालामनाय जाबाय आरो मोनसे एडहक कमिटिआ रेसलिंगखौ नोजोर होगासिनोसिनो दं। 6 दाननि उनाव पेरिसआव अलिम्पिक खुंजानो थांगासिनो। बेबादि थासारियाव रेसलारफोरा सोलिफु समाव फिन रेसलिंगआव मुखुब जाफिन्नो लुबैयो। बे समावनो अलिम्पिक मेडेलिस्ट बजर'पुनियाआ शनिबाराव गेलेमु बिफानखौ हादराव रेसलिंगनि हाबाफारिफोरखौ जागायफिन्नो



खावलायदोंमोन मानोना पेरिस अलिम्पिकआ 7 दानसोल'सम दंसै। बिथाड बे समाव रावबो अलिम्पिकनि थाखाय थियारिखौ गोथौयै लायाखै होन्ना फोरमायदों। रेसलारफोरा भारतायि रेसलिंग आफादनि बारग'आफादगिरि बृज भुषण शरण सिंहनि बेरेखायै हेंथा दिन्थिफुनायनि उनाव हादराव रेसलिंगनि फोथाराव थांनाय गोबां दानफोरनिफ्रायनो लोरबां जानाने दं। गोदान डब्लुएफआइ

मावख'आरिफोरनि बिसायख'थिनि उनावबो दान्थे-बिदान्थेया जोबाखै, मानोना गेलेमु मन्थि बिफाना नेसनेल आन्डार 15 आरो आन्डार 20 बोसोर सिनि चैम्पियनशिपखौ फोसावनानै गावनि संबिजिरखौ सिफायनायनि थाखाय सन्जय सिंहनि दैदेनाय पेनेलखौ बेन्ड खालामदोंमोन। बजर'आ एक्सआव थांनाय गोबां दाननिफ्राय रेसलिंगनि

हाबाफारिफोरा बन्द'जानानै थानायखौ फोरमायनानै बे सामाव जेबो हायुआरि चैम्पियनशिप एवा बादाफोरबो खुंफुनाय जायाखौ होन्ना फोरमायदों। सन्जय सिंहआ आफादगिरि जाखानायनि उनाव पद्मश्री बान्थाखौ होफिन्नाय बजर'आ 7 दाननि उनाव अलिम्पिक खुंजागोनखौ फोरमायनानै बेनि थाखाय रावबो गोसो गोथौयै थियारि लायैखौ दुखु फोरमायदों।